



清江縣志卷之二

水利 圩隄附

有川則水利興矣源實發於山也而畜洩擇塔相

地勢以合天時全需人事清邑半屬水鄉以資灌

溉宜引以備衝溢宜坊贛江袁江所滙合兩戒為

一虹偃長圩幾百餘里能善治之雖鄭之芍陂澗

之蘓隄可共稱美利焉豈憂澤國也哉撰水利列

志

一都一圖 原一都一 二小里塘 橫院共一十 潘家塘 雲

廟前共二十 龔家塘 何陂共七十 李灣塘 開港共三

六丈深六尺 督塘 楊師院共二百五 小羅塘 何家門前共二百

尺 五丈深七尺



下東源塘 徐家上首共一千六百尺 白洋塘 上苑塘共七百尺

深六尺 追塘 羅家門前共八百尺 朱塘 朱院共三百三十尺

後里塘 劉家下首共八百尺 大羅塘 劉家門前共一萬尺

六尺 下庫塘 葉家門前共一百一十尺 羅塘 楊師院共一千一尺

楊木塘 盧家埭共一千一尺 泉坊塘 飯塘共八百一十尺 柏樹塘

李家門首六百七尺 小塘 塘院共八十八尺 斛零塘 斛零共

十五丈 深六尺 白悶塘 敏港共五十五丈 黃遺塘 黃泥塘共三百八

深五尺 楊家橋共八百尺 長陂 楊家埭共一千一尺 湖陂 辛塘共

尺 深七尺 上庫塘 鄒家門首共一百一十尺 朶塘 彭城共七十七尺 麻

阮塘 老官廟背共七尺 李灣塘 張家山下共二丈 檀塘 檀

共三百六十六尺 敖家塘 荆江山共七十七尺 軒塘 軒塘共二十五

丈 深六尺 敏港共一千五百尺 朱家水窟 陳家院共

六尺 鰲塘 八十五丈 深六尺 矮陂 開港共四百五十五尺 上甘塘 桐院

陂 桐江廟共一千一尺 深七尺 桐院共三百二十尺 二桐院塘 桐院共四

百二十丈 甘竹塘 十丈 深六尺 熟姑塘 簡家埭共五十五尺 烏

六尺 簡家塘 簡家院共四十四尺 潘塘 簡家埭共五十五尺 丁家塘

相塘 鄭家埭共一百一十尺 潘塘 簡家埭共五十五尺 丁家塘

駝院共四十三尺 鄒孟達門前塘 開港共六丈 白阮塘

丈六尺 深七尺 新塘 廖家洲共三百九十九尺 雷公塘 共一千

五丈 深七尺 新塘 廖家洲共三百九十九尺 雷公塘 共一千

丈 深七尺 新塘 廖家洲共三百九十九尺 雷公塘 共一千

七尺 新塘 廖家洲共三百九十九尺 雷公塘 共一千

尺 烏柏子塘 鄭家埭共四百九十九尺 小西塘 小西共四百

尺 擗塘 何家門前共一百一十尺 厚塘 厚塘院共一千四

擗塘 何家山下共八百尺 小擗塘 鄭家港共八十八尺 下甘

塘馬前山共一千一苦基塘百七十一丈深六尺

二圖原二都大簣陂三丈深七尺

三丈深黃遺塘黎家門前共五尺

七尺竺塘東嶽廟前共四尺

寺上共四尺新坊塘原院共一百六尺

千二百四尺元興塘長山峻下共一百六尺

五丈深七尺元興塘長山峻下共一百六尺

百七丈金釵塘梔子山共一百五尺

六羅篤塘社山下共一百六尺

三圖原二都三乾小塘胡家院共七百尺

深一百八丈闊塘廖家店共二千姜塘共二十九尺

共一百六尺勾塘壇前峻共一百湖陂湖陂下共五尺

四圖原二都黃公塘劉家廟前共七尺

五圖原二都桑塘塔廟下共七十

七塘坑塘虎狼院共一百小烏塘烏堆共一百四曲

水塘曹家坊共六十

二都一圖原二都十圖泉塘敖家門前共一百石孤塘

敖家門前共一百

三十丈深六尺

六尺都與陂下蘭共八尺

官塘窟背共五百八下塘張公廟共五百九上塘梁

門前共九百六徐陵陂橋頭共一百七

二圖原三都三萬坊塘後莊共一百五南塘白沙共

深七尺古竹塘袂院共一百七小洲塘苦竹院共五

深七尺上塘五丈深六尺會上塘十餘丈深六尺

三圖原三都長陂古牛石共九尺十枯莊塘樓前共四

尺深七尺夢塘觀塘共五丈深六尺新油塘上殿共一百一十五尺

四圖原四都一圖磨塘油塘共三千五百尺晚塘福山

共一千五百尺棖湖塘棖湖共六百四尺草上塘共三百

丈深六尺袁師阮共一百一十丈深七尺苦竹阮共一百

六尺吳楓塘一十丈深六尺樊圍塘三十丈深六尺

五鳳塘五鳳共一千九百一十丈深六尺密城塘密城共

矮羊阮共八十尺巖塘周田阮共一百一十丈深六尺

五丈深七尺南陂嶽廟前共三十丈深六尺廟前共六十

丈深六尺烏塘香水阮共三千一百尺梘陂神山

百四丈深七尺樟陂樟樹共一百七丈深七尺茶鹽舖共六十

逆陂植樹共一百一十丈深六尺石陂植樹共五十

五圖原四都七羅塘社公門前共九百一十丈深六尺

丈深六尺新塘羅港共四十四丈深七尺郭家陂郭母阮共

丈深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

尺深六尺茶鹽舖共三百一十丈深六尺彭公塘丁陂傳莊共二千

塘東塘一千一
百丈深六尺

三都一圖原五都石陂郭家門前共一百鳥陂陂邊共

十丈深詹虎塘楊家門前共七尺故家塘傅家門前共五

尺馬牯塘官山下共三百規尾塘廖家下廩共三尺赤塘

鄒家門前共五劉簡塘南山下共一十箭塘艾家門

百丈深七尺深六尺

二圖原五都供陂彭家門前共三尺下杉塘鄒家門前

尺深七凋能塘陳家門前共五尺鄒家塘鄒家門前一百

大野塘赤塘共三十尺東諫塘山岡下共一百泉塘鄒

門前共二百一尺規塘劉家門前共八尺箭塘角院共八

尺杉塘鄒家門前共九尺合桶塘官路上共一百九尺中

山塘東山寺前共二百東河塘東禪寺前共二百零塘

東林寺後共八

三圖原五都五圖是陂羊牯共一百五小陂彭家門

丈深姜塘姜馬塘共八尺卒竹塘朱家門前共六尺

七尺壇前塘黃土共一百二金澤塘山下共九尺鄒

家塘鄒家港共五百廟前窟金澤共四尺

四圖原六都高泉塘高埠共六十謝家塘黃土共六

尺龔家塘塘口共荆道塘湖頭共六百二羊瓦塘長

頭共六百二黃滿塘鄒上共一百六尺省塘二郎廟前

十丈深水壠窟鄒上共四尺

五圖原六都掃阜塘長山共一百一朱家塘河口共

四尺

丈深晚江塘河口共三百一峯阮塘雙頭洲共二百

六尺長山共六百上青株塘江口共一百七尺竹塘山

共六百八十泉塘官路口共一百尺

四都一圖原六都東頭窟馬青共二蓋塘台虎山共一

尺深鴨子塘江口共六十尺易家塘江口共一百四神

山塘雜陽洲共一百一黃家陂高車埭共六百橫阮

窟席家埭共六十尺

二圖原六都雜湖塘千丈深七尺三丈塘壩頭共二

尺深縻塘官路邊共三百橋阮塘院下共六十尺

三圖原七都一長湖尾圳黃家埠共一百三泉湖塘

共一百丈大塘盤石共八百五白竹塘彭家渡共三

尺廟前阮圳姜湖河共一百尺前厯塘前厯共五百二

四圖原七都長湖磯頭共一雜湖陂頭共五百八荷

葉湖族湖共三遙遠湖城頭共一百一

五圖原八都一富塘傅家阮共一百七奎塘張家港

二丈深下塘岡下共五十五丈深七尺觀富塘觀塘共二百一高

七尺藍塘蕭坊共二百七尺

五都一圖原八都回潺隔塘潺隔共七尺黃牛塘坊共

五十三丈鄔塘倒場共五早塘傅家阮共族塘族塘

深六尺廖家塘安陽彭家門前共四荒塘湖坊共一百

四畝塘頭塘伍姜共五十五丈深七尺

尺塘頭塘伍姜共五十五丈深七尺小新塘伍姜共四百五

禾溝共一百七尺

十五丈深七尺

二圖 原九都一橋頭陂 青樹共一百五尺 院前陂 二教

共深一百二十丈 周家塘 魯家坊共五百五尺 厚塘 姜瑣共

丈深六尺 黃金埭共三十丈 魯家塘 魯家坊共四尺 八

丈 陳公塘 九丈深六尺 二 饒家塘 上廖家共五尺 十

丈 太墓塘 太墓塘共一百二丈 饒家塘 五丈深七尺 東

塘 東塘共六十尺 吳塘 黎家門前共三千六尺 毬塘 姜瑣

千六百九 鹿沙塘 園背共七百五丈深六尺 牛路塘 牛路口共四

尺 深七 敖湖港塘 游家山共九尺 高虎塘 袁家院共二百

尺 黃家塘 游家港共九尺 楊家嶺共七千五尺 黃竹塘 游

三圖 原九都五軍林塘 楊家嶺共七千五尺 黃竹塘 游

洲共六百 饒家塘 萬碩洲共五丈 凌背塘 泥灣共五尺 石

騰塘 蔣家洲共三十九丈 凌背塘 凌背共二十七丈 千江塘 萬碩洲共

尺 深六

四圖 原十都一鳥山墻陂 楊路院共二百二尺 甘陂 廟

共一十五尺 上姥塘 彭家門前共一丈 園塘 龔家門前共

丈 烏庸塘 蕭家山下共二十丈 枯塘 三埭共一丈 祝城塘 盧家門

百三 丁恩橋 昭岡下共二千丈 東塘 汪坊共一丈 長塘

十丈 烏泥橋共一千 普庵塘 汪家門前共一丈 上武塘 青雄

千六百 新塘 蕭家門前共五百尺 楊家塘 瑗瑣共

丈 深七尺 武塘 太平江共一百

六尺 熊家塘 村頭共三十丈 武塘 八丈深六尺 下武塘

五圖 原十都五六七圖 小陂 周家門前共五尺 下武塘

講婆埭共一千 吳塘 魯家窟共七丈 梘湖塘 任家橋共三

尺 黃塘 黃家院共一千 上前塘 黃家門前共二十丈 深

六百五十五丈 隔溪塘 赤江山下共一千五 銅湖塘

吳家屋背共 青湖塘 孫家墓共五十 張陂 樾山共三

丈深 備陂 刑在共二百二 雙港陂 雙港廟前共三 龍

溪陂 龍溪院前共三百 下連塘 秧田共二千 上連塘

秧田共三千八百 鳧茨塘 伍陵共一千 稟湖塘 稟湖

百七十 二丈

六都一圖 原十一都 九泉灣陂 九泉灣共一百 老公塘

老公塘共一千 伍孺塘 廣院五百 蕭院塘 蕭院共一

丈 伊塘 曾家門前共三百 茯苓塘 茯苓塘共三 桐樹

塘 桐樹共一千四 大滁塘 廟前共一 廟前湖塘 廟前

十五 下犁塘 下里共六百 小滁塘 下里共四百 丈

二圖 原十一都 纜船橋陂 纜船橋共一百 伍祖陂 平

店前共一百一 石岐陂 戴貳陵共六百 仍塘 石岐共

百六十 山脚塘 上嶺共七百二 觀陂 觀堆共八十 律

陂 律平共二百三 律平塘 律平塘共一 荷葉塘 赦家

三百五 詹塘 鍾家壽共一千六 西塘 西塘共三 雙塘

嚴家門前共一千

三圖 原十一都 新陂 新陂共二百五 小墓塘 墓下共

丈深 茨阮塘 茨阮共五百一 小征塘 新陂共四百六

泉冲陂 張溪共一百三 大塘 大塘共七 貴塘 簡家

共一千一百 征塘 征塘共一千一 藍塘 藍村共一百

四十六丈 楊樹塘 長山共五 土舍塘 土舍

七 勾塘 水南共六百 尺 深六尺 楊樹塘 長山共五 土舍塘 土舍

百五十七丈
深六尺
廟前湖 廟前共七丈
枯塘 水南共一千八百丈深六尺
普庵塘 唐源四百

四圖 原十二都一段塘 長田共四千七百丈深七尺
茶芽陂 相

廟前共一百二十七丈
虎院上 劬塘 虎院共三百二十七丈
阿塘 卽藥塘

西院口共四丈
阮塘 西院口共二千二百丈
河陂 謝家山

百五十六丈
阮塘 九十五丈深六尺
河陂 共二十

五丈深
孔塘 吳家門前共二丈
新阮塘 新阮口

五圖 原十二都 柘塘 黃土嶺共一千丈
新阮塘 共一百

七都一圖 原十三都 盧陂 井上共九百五尺
襖塘 盧家橋

六丈深
伊塘 伊塘共二百六尺
後舍塘 赤岡山共四兩

七尺
穆塘共五百六尺
雷公塘 吳堂觀共二十丈
京中塘 京

橋共六百七十丈深七尺

二圖 原十三都 滕塘 共三百丈
雌陂 雌陂共六百五

街塘 雌塘共九丈
鳴塘 上澤共七丈
紐塘 紐圖阮共七十

上雌塘 上澤共二百五丈
官路塘 紐圖寺前共下雌塘

共一百一十丈
白菱塘 九丈
芮塘 二十丈
桂塘 六丈

三圖 原十三都 族陂 三橋共五百七丈
栢塘 栢塘共八

六丈
竹城塘 古墓陵共七丈
長塘 共五十五丈
鳥庸塘 共一

丈
鴨子塘 共四十一丈
鞋塘 共一百三十三丈
小烈塘 小烈共八

大烈塘 大烈共八丈
朱家塘 五石洲共八十五丈
陽塘 五石洲共四

尺六
大塘 五石洲共七十六丈
安塘 五石洲共一百一十九丈
均塘 塹頭共六

尺六
均塘 塹頭共六丈

四圖 原十三都八圖 李家塘 唐家埭 共六十五丈 楊宅塘 虎

院共四 鹿隔塘 八丈深六尺 小妍塘 店上共六 潛塘

潛塘共四 上下塘 朱家院共 大欒塘 黃家院共一

五丈深六尺 折港塘 上保共一百二 斫塘 青洲上共一 廣西塘 晏

村共一百 五十丈 止營塘 江上共九 荷楓塘 荷楓共二

五圖 原十四都 杜塘 楊家橋共一百 養塘 劉家村

六尺 新塘 壘里共一 杜塘 二十丈深七尺 養塘 共五十

丈五 八都一圖 原十四都 小佐塘 黃富共五十五 大富塘 觀院

一百四 大佐塘 藍家村共一 儲山塘 梅沙嶺共八十

十丈 黃竹塘 東塘山下共 上蕪窟塘 楊家屋畔共一

二圖 原十四都九圖 城塘 大岡共九 東塘 楊家門首共

七尺 上塘 彭家村共 白富塘 觀院口共三十 西富塘 西

共四 十 簞塘 太平共九十 虎院塘 蘇家村共五十 觀

八丈 小院共八 曾家塘 孤表共一

三圖 原十五都 式保大塘 楓樹洲共 方塘 同岡共七

四圖 原十五都 新塘 小陽共二百 南陂 長江頭共八

尺 五圖 原十五都 六保大塘 後村共五 回岡塘 回岡共

十丈 厚塘 經樓共五

九都一圖 原十六都一圖 三 白湖 白湖共二千八 下汶

塘 故村共六 庵前塘 黃家門前共八 蓮塘 黃家屋背

塘 十五丈

塘 十五丈

塘 十五丈

塘 十五丈

下井 黃家山共八十五丈深一丈

三圖 原十九都 章湖 小潭共一百二十丈 金郊湖 鯉魚洲共七十二丈深

七尺 黃鮎 鱖魚洲共六百尺 高頭塘 社上共一百三十尺 長湖 門前

湖 陽嶺上共四百尺 熟珠湖 土湖共四百五尺 高低窟 作水基前共二

共一百二十丈 中窟 作水基前共四十丈 鄧塘 鄧塘共七丈 泉湖 謝家邊共

四圖 原十七都 九十二圖 賴公塘 黃公埠共二丈 嚴塘 嚴塘

丈 湖南麻埠塘 麻埠共二丈 賴公塘 黃公埠共二丈 嚴塘 嚴塘

五圖 原二十一都 圖 聶埠塘 聶埠共八丈 嚴塘 嚴塘

深百五十丈 西陂 倒樹下共六丈 黃土陂 黃阮上共四丈

尺 楓樹塘 共八十三丈 檀陂 榎湖橋共一百一十丈 清溪塘

共六百六十尺 松塘 共四十三丈 馬驛塘 共四百八十五丈深四尺

尺三

十一都一圖 原二十一都 五圖 夔篤陂 觀洲上共四十二丈深八尺

鍾塘 鷄皮岡共一百六尺 松塘 天井共八百九尺 豺狼埧 橫

橋長一百丈 濶三尺 深二尺 上湖 橫板橋共八尺 小呼塘 橫板橋共

二圖 原二十二都 圖 侍翁塘 劉家井共二丈 長塘

丈 深 傅松塘 社下共四丈 深七尺 侍翁塘 劉家井共二丈 長塘

社下共四丈 十二丈 三圖 原二十二都 圖 陂塘 無

四圖 原二十二都 圖 陂塘 無

五圖 原二十三都 圖 夏塘 彭澤共二丈 鮮塘 赤城觀共二丈

塘 築未城共五丈 魚塘 魚塘共三丈 上規塘 塘頭共一百

塘 築未城共五丈 魚塘 魚塘共三丈 上規塘 塘頭共一百

觀塘 觀巷口共二百

十二都一圖 原二十三 星塘 星洲共一千七百 除塘 東

共二百五十七 中湖 社園共三 西湖 謹家巷共一 青竹

溪湖 馬驛橋共九十 楊田塘 易院共一百一十丈 上昇塘

築未城共四 百五十五丈 澤上共二百 廢寺塘 好格共

二圖 原二十三 小湖塘 四十五丈 好格共五 水圳 黃荆

分二 社塘 東村共一十 好格圳 百八十八丈 松湖 茅坪共

八丈 小陽圳 傅家埠共一丈 月塘 下塚共四 松湖 茅坪共

丈百 入丈 傅家埠共一丈 月塘 下塚共四 松湖 茅坪共

三圖 原二十四 都 周家塘 堤洲共一百一十二丈 鴨塘 清潭

十五丈 水窟 馬易共三十 山泉窟 黃荆院共二十 安

善塘 寶林寺共 李師塘 張家埭共 清潭塘 清潭橋共

九 伍泉山塘 伍泉山共 觀塘 觀巷口共二 寶基塘 家

坊共一百九十 五丈深六尺 下流陂 楊家園共一百一十二 南灰陂 李

四圖 原二十七 宋禮塘 小橋共四 上觀塘 塘頭共一百

丈深七尺 尺 游湖 破竹金堆共一百 高源陂 竹金堆共八十五

公寺塘 院前共一十 尺 高源陂 竹金堆共八十五

五圖 原二十五 宋木塘 小橋共四 洪孤塘 一百七 土

塘 二塘共一頃一十 楊牙壠陂 大田里共一百

十三都一圖 原三十五 盧後陂 南陂共一百一十八 黃家塘

程坊共 張家塘 丁家岡共 南洲塘 赤城觀共一百八

四丈 南洲塘 赤城觀共一百八

四丈 南洲塘 赤城觀共一百八

四丈 南洲塘 赤城觀共一百八

黃草塘 梓里塘 共一百一十丈深六尺 深則陂 江頭共四十丈橋梁

陂 程坊共八十八丈深八尺 樟梓陂 丁家園共四十七丈深七尺 沙溪陂 共一丈深七尺 鹿景陽 壩上共一百六十八丈深六尺 黃萬陽 梓里共三丈深七尺

二圖 原二十六丈 都稽院塘 馬服院共三十二丈 清潭塘 清潭共百一十二丈 楓木塘 長塘共一千四百尺 新塘 楊湖院共一百一十二丈 旱頭共一丈 洋湖 百八十九丈深七尺 城東陂 龍家

塘 百一十丈 四深七尺 下塘 八丈深六尺 化家院 共二千九百三丈 三圖 原二十七丈 都一圖 甘家塘 龍居院上共一丈深七尺 樓江背共四丈 杉木塘 八丈深四尺 象牙陂 陂下

塘 五丈深七尺 淳塘 菱湖城上共一丈 左家巷口塘 大山共四丈 深七尺 四圖 原二十七丈 店前塘 黃家店前共一丈 小塘 古亭共

大榻塘 李坊共三十尺 五圖 原二十七丈 長牛塘 楊杜共一丈 彬塘 店下共一丈 尺 烏泥塘 九丈深七尺 承香陂 九丈深七尺 陽陂 舉樹下共四丈 小陽陂 岡下共五丈 沙溪陂 亭上共

一丈深七尺 坡 堦上共五丈 韶塘 劉家門前共一丈 廟前塘 城

共一百三十五丈 十四都一圖 原二十八丈 都大禾陂 大禾院共一千八百

頭上塘 村頭共四百尺 村頭下塘 村頭共三丈深六尺 厚

塘 大判堦共一千九百尺 小塘 土橋頭共八丈 楮方塘 沙溪

百八十八丈深七尺 水利

百一十二丈深三十一尺橫籠塘黃家山共一千粟塘銓叙莊共三

丈深三十一尺橫籠塘黃家山共一千粟塘銓叙莊共三

新塘羊狗埭共一西星塘雙塘共四千八楊沐塘雙

共一千一百二十五丈下塘尾八丈深三十九尺彭九隔塘五百

八丈深六尺下塘尾八丈深三十九尺彭九隔塘五百

四丈深六尺下塘尾八丈深三十九尺彭九隔塘五百

湖溪東埭共七千四百丈大滙湖塘西共二千二百一丈

二圖原四十八丈深八尺大滙湖塘西共二千二百一丈

井共二百四十五圖銅河塘澗頭共二千四百一丈

六丈深六尺關頭湖頭共二千二百一丈

開橋塘關橋頭共四千六百丈楊塘湖廿坊共二百三

七尺下部塘村頭共四千五百丈牛屎堵塘冷井共一千

丈深六尺官塘郭家門前共九尺小塘塘西埭共二千八

婆圳塘西口共新湖桑下共一橫埭湖橫埭共二千

尺深六尺官塘郭家門前共九尺小塘塘西埭共二千八

三圖原六十七丈深六尺湖頭塘畔背共一丈沿湖丈深六尺

共三百七丈深六尺湖頭塘畔背共一丈沿湖丈深六尺

湖共一千一百三丈蛟池塘赤路巷共三百鱗鱸湖積

寺共二千四百一丈泉湖楊家店共五千六尺草湖高畬圍

七丈深六尺泉湖楊家店共五千六尺草湖高畬圍

九百五十五丈泉湖楊家店共五千六尺草湖高畬圍

丈深五尺泉湖楊家店共五千六尺草湖高畬圍

四圖原八十九丈小遊湖楊湖埭共三千九百塘頭下

塘傅家塢共一楊家塘南山埭共三千四丈大楓湖東

黃絲塘 武林共八百五
下保塘 下保共七
高溪塘 橫
共四百四十
大溪塘 觀家壩共
大塘 蛇溪共六十
家塘 南橋共一百一
青草塘 茅洲共二百一
圓塘 觀
堆共一百三十
五丈深六尺

十五都一圖 原二十九都
荇草湖 嚴埠共一百二
沈家

塘 嚴埠共六
司塘 黃都共五十
凹下塘 黃都共一
院

背塘 黃都共五百六
小菱塘 黃都共一百二
南塘 黃

共七百
泊草湖 鱧湖共一百七
淳湖塘 荇湖共
六丈深
鱗鯉塘 凌家埭共二百
七尺

二圖 原三十圖
聶湖 觀山頭共一
三圖 原三十圖
孔埠湖 孔埠共一百六
灌湖 灌口共

百二十丈
西湖 諸家巷共一
四圖 原三十圖
荻湖塘 共六十九丈
厥下塘 共三十九丈
上

頭塘 共二十一丈
圓湖塘 長四十二丈
三角塘 共六丈
橫

圳塘 共二十七丈
柑橘塘 中村共一百三
五圖 原三十一圖
棖湖 周家坊共一千
聶家湖 菜園

百九十七
楊時湖 神巷共一千八
李家湖 楊塘共
丈深六尺
黃家湖 菜園共五百二
缺湖 菜園共五百一
柑

尺深七
橘湖 湖西共九千六百
易家湖 走馬埭共二千九
百

麻塘湖 寺前共一千
暗山湖 黃泥岡共五百九
十

湖 前村共七十
葶薺塘 走馬埭共一千九
雞廂院湖

老鷄山共一千一百
攬下湖 攬下共七百
粟山湖 下

九十八丈深六尺

青工縣志

卷之二 水利

上

下

共

丈

共六千五百
九十三丈
冷積湖
灑下共五千
馬家湖
大鴨湖
共

四丈長田湖
田澗下共三千
何家湖
皮家埠共九
中

塘湖
唐家畚共三千八百
陳家湖
傅家店共二千
下

陽湖
卽陽湖
廿坊共一萬五
楊家湖
秦志地名未載
計共九十四畝

分壇前湖
橫里長四十二
謝家塘
廟背計二十八丈深
計共九十四畝

十六都一圖
原三十二
水錢下陂
楊家坊共二千三
大

塘陂
上陽共五百八
陽陂
水南陂共一千七
牢溪陂

井下共五百一
大塘陂
樾林共二百一
釀山陂
釀山

一丈深七尺
上陽陂
鍾家坊下首共三
牛路陂
黃家坊
共五千

四丈深七尺
虎阮陂
方門山共三
二圖
原三十三
陂塘無

三圖
原三十三
石墳陂
孤山共三百五
馬家陂
馬陂
共

一丈深六尺
黃家陂
錢家阮共七百
四圖
原三十四
都一二三圖
黃家陂
鍾家坊共七百

安湖陂
里林社共一百
堰塘
寺阮共一百二
梔陂
平

莊共一百七
虎陂
檀江頭共二百
白竹陂
黃家坊共
二十七丈

深六丈
屯陂
寺阮口共一百四
禮陂
李家厥共六百二
尺

銅鈴陂
銅鈴江下共三
感陂
銅鈴江共五百
尺

五圖
原三十六
都毛陂
武江共一百七
南陂
洞江共

十丈深
長陂
北岸共八
金家陂
金家邊共一百
七尺

家陂
小溪共六十
赤陂
廟前共八十
木排陂
莊前共

丈深
五丈深
第三榻共六十
趙家陂
堆上共八
高陂

六尺
五丈深
五丈深
五丈深
五丈深
五丈深

下村共九十
五丈深七尺

十七都一圖原三十七都黃規陂陂背山下共七西陂

西規埭共九十李家橋共四十石陂南山下

深七尺曾家橋共八十後家陂茶園下共六

尺羅家陂古門中共八十伍家陂姑塘口共八十稿

陂橋背埭共八十雷公陂登科嶺共八十

二圖原三十八都絲陂龔家埭共五古陂古毬塲共

尺花陽陂山頭共四百袴陂北山共三百熊家陂鍾

坊共六百丈深七尺

三圖原三十八荷家陂張家厰共一百團湖長湖四

阮湖頭共銅塘陂銅塘口共六百丈深六尺

鄧志曰清江五鄉分隸近山者資澗泉以為灌漑

不患旱災然亢壤多矣非有蓄蓄壩圻斯傷若其

西濱袁水東濱贛水又時苦漲洳焉夫魏引漳水

秦開鄭渠興水利也漢塞瓠子防水患也患不防

則利不興此陂澤圩隄智者所務講求也秦志紀

隄墉於營建紀陂塘於戶產一而二之其謂防患

官之事與利民之事乎考周禮瀦防蕩瀦職在稻

人蓋民事無非官事矣今詳水利計為塘者四百

八十六為陂者一百二十九為湖者八十三為圳

陽井窟汊阮者三十五而附以瀕江諸隄如左

袁江西岸南至天井接新喻界北至胡家口接豐城界

其自荷湖隄以下則袁水已合贛江亦贛水之西岸也

天井隄在三都三圖原五都四五圖

黃土隄在三都四圖原六都一圖

小林洲圩在三都四圖原六都三圖金澤高一丈長
一千六百七十丈

蒙山江隄在三都五圖原六都五圖

太平橋隄在三都五圖原六都五圖

按蒙山江太平橋二隄係蒙山小江隄不臨袁江

馬青隄在四都一圖原六都六七圖

江口隄在四都一圖原六都六七圖

維湖隄在四都二圖原六都八圖

溫家壩在四都二圖原六都八圖

沙灣隄在四都二圖原六都八圖

荷葉壩在四都二圖原六都八圖

水府廟隄在四都二圖原六都八圖

固本隄即郡城東沿江古隄按隆慶郡志載江水衝

齧西岸山清碧橋而上至清波門石岸水齧不存街

亦摧圯棧木為道過者病焉宋嘉定迄咸淳知軍權

安節趙希愷潘剛中趙師呂張礪章大醇李元錯徐

掄通判曾熙相繼修築元大德閱總管李倜增修明

宏治辛亥知府戴瑤築舊布政司前數丈乙卯知府

尚縉嗣築其下亦數丈期月尋圯江水齧激周道多

敬遊

崩戊午知府吳叙請發公帑通判唐佑督工延袤三十五丈高二丈五尺泊岸一座高四十餘級居者行者始賴以安其舊石溪寺前一段舊無石隄凡一十七丈五尺歲久江水蝕土城脚崩虛崇正十五年五月大水城陷坎深丈餘知縣秦鏞捐費修築

國朝順治八年清波門石坎壞城陷知縣洪其清重修遙灣隄在十都一圖原十八都四圖

陳家坊隄在十都一圖原十八都五七圖

蛟窟隄在十都一圖原十八都六圖

龍潭隄在十都一圖原十八都六圖

白公隄在十都四圖原十七都八圖卽土橋清潭隄

也康熙辛未大水壞隄漂沒田廬無算膏腴數萬頃悉成汙萊官民交困者十餘年舊隄屢修屢潰每遇風狂雨驟淵有蛟蜃頃刻木石俱沈康熙戊戌巡撫白潢單車相視檄知府汪清修復估費繁重特捐數千金委南安同知毛士儀董其事又自爲文祭禱而後興工自戊戌孟冬迄己亥季夏告竣親往闕工者凡四次隄長二里有奇濶二十丈屹然鞏固士民呼爲白公隄大學士高安朱軾記

饒家壩隄在十都四圖原十七都八圖

沙河基隄在十都四圖原十七都八圖明萬曆四十

四年水決隄壞同知鄭朝棟偕知縣周宗文修築邑

人程達黃之俊記

蕭家畝隄在九都四圖原十七都七圖乾隆四十八年衝決每歲淹沒田禾至數十里嘉慶七年知縣鄭國棟修築保固十載至十七年大水復決爲害滋甚道光三年知縣張滔建議接受浸糧田捐錢集費詳奉陞任撫部程含章准行撫部捐廉銀五百兩爲倡大守經額布捐廉二百兩捐廉三百爲應期於四年七月興工從隄外沙地直築新隄以截水勢將舊日衝成水道砌建石工堵閉餘則刨淨浮沙用木椿排列擊入地內再用真淤老土夯礮堅築以爲一勞永逸之計

荷湖隄在九都四圖原十七都七圖

聶家巷隄在九都三圖原十七都六圖

漢口舖隄在九都三圖原十七都六圖

社公堆隄在九都三圖原十七都六圖

劉家巷隄在九都三圖原十七都六圖

趙家園隄在九都四圖原十七都五圖明萬厯間知

縣李徵儀修築護田萬頃

魚廟背隄在九都四圖原十七都五圖

李家園隄在九都四圖原十七都五圖

梅家畝隄在九都四圖原十七都五圖明正德以來

七築弗就嘉靖元年知府徐開修築長百丈廣二十

丈郡人孫偉記十四年春大雨隄復壞并決魚廟背李家園龍潭趙家園社公山蕭家園六隄十六年冬知府李易修築長四百丈橫徑二百丈郡人龔亨記崇正十二年夏大水復決郡守胡永清知縣秦鏞重築通判朱慎燾督修凡一百五十丈

黃家園隄在九都三圖原十七都四圖明崇正十二年大水隄決知縣秦鏞捐貲重修接梅家畚起至黃家園凡一百二十丈自黃家園抵丹桂坊凡一百丈連前梅家畚共三百七十丈閣部楊廷麟記

沙塘口隄在九都三圖原十七都四圖

郭陀堆隄在九都三圖原十七都四圖明崇正十四年大水隄壞知縣秦鏞捐貲修築接丹桂坊起至沙塘口郭陀堆共二百二十五丈

青龍山隄在九都三圖原十七都三圖卽老岸隄乾隆五十七年衝決壞田廬無算五十九年知縣鄭國棟修築今鞏固

龍潭口隄在九都三圖原十七都三圖二隄明崇正十五年二月大水衝決共計六十四丈七尺知縣秦鏞修築

國朝乾隆二年二隄復圯知縣殷暈詳請帑項五千餘兩重築共數百丈乾隆十九年知縣方懋祿加修計四十四丈

鍾家園隄在九都三圖原十七都三圖都志云鍾家園當袁顛二水衝會水溢田廬受患土人歲乞郡縣築隄隄長三百二十餘丈明嘉慶己巳冬費金數百役近都人數千始成不一月江漲復壞蓋沿隄皆沙礫不任水故易潰議者謂新隄難成老墻宜固歲於農隙督居民填葺庶可無患云萬曆間知縣李徵儀捐貲修築

江菱塘隄在九都三圖原十七都一圖

薛家渡隄在九都三圖原十七都一圖

劉公廟隄在十都四圖原二十都一圖

泉井圩在十都二圖原十九都三圖茅林共一千七百五十丈

楊家口隄在十都三圖原十九都四圖

胡家口隄在十都三圖原十九都四圖

顛江東岸南至永市接新淦界北至牛灣接豐城界

永市隄在十七都二三圖原三十八都三七圖

鶴地隄在十七都二圖原三十八都三圖乾隆十九年大水隄決知縣方懋祿改築自永市鶴地楊公塘諸隄接沙溪橫梁等處計數百丈屹然完固居民賴之

楊公塘隄在十七都二圖原三十八都三圖

橫埭隄在十四都一圖原二十八都一二圖

溪東隄在十四都一圖原二十八都二圖
沙溪隄在十四都一圖原二十八都三圖
雙塘隄在十四都一圖原二十八都三圖
橫梁隄在十四都五圖原二十九都一圖
吳家埠隄在十四都五圖原二十九都二圖
龍潭隄在十四都五圖原二十九都二圖
狗頸隄在十四都五圖原二十九都二圖
龍潭隄在十四都五圖原二十九都二圖
二隄乾隆十九年知縣方懋祿重築
大塘隄在十三都四五圖原二十七都二四圖
蛇溪壩隄在十二都三圖原二十四都一圖
十四年知縣秦鏞委巡檢唐汝聖修築

國朝乾隆二年知縣殷暈十九年知縣方懋祿先後重
修

灌家籠隄在十二都三圖原二十四都一圖

清江鎮菜市門隄明天啟中知縣盧兆龍與邑紳熊
化祝耀祖等協謀修築自大德門至新興觀凡一百
六十餘丈

清江鎮小市坊隄卽復古隄久決河中明崇正二年
知縣梁士濟與邑紳協謀修復舊蹟梁士濟記見藝
文

張家埭隄在十二都三圖原二十四都二圖

楓林埭隄在十二都三圖原二十四都二圖

清潭隄在十二都三圖原二十四都一圖

柴狗堆隄在十二都三圖原二十四都一圖

禾埠隄在十二都三圖原二十四都一圖

澄沙港隄在十二都一圖原二十三都五圖長二百

三十一丈

牛灣隄在十二都三圖原二十四都一圖長五百四

十六丈

清江鎮寶金山隄乾隆五十七年知府姚任道因水勢南趨剏修石隄長一里許以衛鎮基

按通志載宋淳熙間程大昌爲江西轉運副使嘗修復清江縣破院桐溪二堰以捍江護田及民居

幾二十頃今無從覓所謂破院桐溪者附志於此以無忘賢者之惠政云

中洲南自金鳳洲北至黃都係中洲西岸臨袁江南自范坊北至溪西係中洲東岸臨贛江

金鳳洲隄在十五都五圖原三十一都四圖

皮家埠隄在十五都五圖原三十一都四圖

覽上隄在十五都五圖原三十一都四圖

老虎港隄在十五都五圖原三十一都四圖

大路巷隄在十四都三圖原二十八都七圖

灘下隄在十四都四圖原二十七都八九圖

黃都隄在十五都一圖原二十九都八圖

大橋墕在十五都五圖原三十一都一圖大官橋共一十二丈高七尺

范坊墕在十五都五圖原三十一都二圖

雷家墕在十五都三圖原三十都四圖中湖共五丈高六尺

銅鑼江墕在十五都三圖原三十都一圖

灌湖墕在十五都三圖原三十都三圖

新馬頭墕在十四都五圖原二十九都一圖

雒橋墕在十四都五圖原二十九都一圖

大河頭圩在十四都一圖原二十八都三圖白仙觀

共一千三百五十丈

雙塘墕在十四都二圖原二十八都五圖

銅河塘水西圩在十四都二圖原二十八都四圖澆

頭共二千四百七十丈

溪西墕在十四都五圖原二十九都一圖

牛路陂墕在十六都一圖原三十二都一圖黃家坊

共一百丈高一丈 按此墕不臨大江附彙於此

下橫河墕河即明成化末贛水暴衝而成者向苦春

夏水溢壞決民田乾隆三十二年知府李昌昱建議

築隄於是與清江合廣福新淦令敏新喻令鮑吳等

協謀并上橫河在龍窩口者均加堵截計長四十八

丈

此處少一字

鄧志曰古無所謂隄防也宋開寶閒詔曰朕每聞前書詳究經瀆至若夏后所載但言導河至海隨山濬川未聞力制湍流廣營高岸者顧自唐以來治隄之政班班可考而清江又多水患則隄堦之修理尤急歐陽文忠公作唐書地理志凡一渠之開一堰之立悉系之各縣下蓋實統河渠一志可謂詳而有體矣茲於陂塘湖圳後兼列隄圩俾言水利者曉然識利害之源云

按前令鄭國棟築蕭家畚隄保固十年築青龍山隄至今鞏固亦可謂能爲民禦災捍患矣因輿論未愜不能載入各宦爲大書於本事以不沒其績云

清江縣志卷之三

坊都 鎮市橋渡附

王道始於鄉子曰吾觀於鄉而知王道之易易也然政教先行乎邑治倡率所必端焉樹之風聲表厥閭里豈異人任耶市無市心則弗復湫隘囂塵耳澤有渡亭有驛其卽古舟梁紀月置郵傳命歟清江人士可利涉大川而知德所流行矣撰坊都

列志

清江舊分五鄉而城鎮坊都悉統焉考隆慶府志清江五鄉分轄在城九坊六廂清江鎮七坊及三十八都至秦志則城鎮之外始分五鄉鄉但分轄三十八都蓋府

志僅沿宋元之舊其實明洪武時編定里甲已分別城鎮鄉都至明季知縣秦鏞作縣志始按籍釐而正之爾明一統志云清江編戶二百七十里而輿圖備考江西通志俱云編戶二百五十三里府志則云三十八都分轄二百三十一里合之城九坊六廂鎮七坊則二百五十三里數與通志合若秦志坊廂之數與府志同而三十八都實計二百四十九圖合之爲二百七十一里則與一統志戶里之數近合稽諸書坊里之分并亦已微有參差矣崇正末年疊經兵燹戶里多虛

國朝順治以後賢守宰相繼招徠撫綏民多復業而按諸舊日坊里或戶溢於里或里無全甲康熙二十二年知縣王廷謫始據冊實稽戶里均定賦役而城內外舊九坊六廂合併爲五坊清江鎮舊七坊後爲三坊至是并爲一坊五鄉舊三十八都二百四十九圖合并爲十七都都每五圖惟十七都爲三圖凡八十三圖合城五坊鎮一坊爲八十九里坊里均而經界正賦役平而民力寬而我

國家累洽重熙百數十年以來休養生息雖編里視舊減三之二而民居蕃庶實倍前代茲按康熙二十二年所編城坊鄉都著其分并規制條列於左

一坊在城東隅入廣濟門爲東門街舊有尊賢坊以宋侍郎向子諲得名直軌南行爲耆德街有坊曰耆德宋

知軍呂大防題光祿卿楊申所居處也俗稱棋盤街者
聲譌也由耆德街右轉爲薌林巷西至舊旗纛廟左轉
爲虎川臺虎川者城北山阜諸水東流滙而成溪以唐
魯孝子故名秦志譌虎爲滸非也後漸湮塞爲小渠有
橋跨其上曰虎川橋宋時置貢院於此有公選坊迤而
南爲進士坊庚午寶興坊盧家灣左轉爲青雲坊舊縣
學前育賢門又前左轉爲婁家巷萬勝門右轉爲白家
巷盧家灣直前爲魯家埭孝感坊有虎跑泉故又曰虎
泉坊俱以魯孝子名直接鮮魚牌下左出興化門興化
門外爲缺城口北行爲舊蕭灘驛有近江樓遺址朱子
買舟處也又北爲漁洋裏西與虎川臺接又北爲東門
外元妙觀前爲四柱亭古臨江營又前爲廟巷又北爲
籠橋春埜亭歲東郊迎春處也又北爲白牛岡鐵佛寺
東至江岸盧洲北至善嘉橋西抵十八都蕭家渡與北
關界南接朱坡渚俱舊城一二坊東關一二三廂地也
城中凡爲街者五爲巷者三

東門街 耆德街 虎川臺 盧家灣 魯家埭
薌林巷 婁家巷 白家巷

二坊在城東南隅自鮮魚牌下至萬濟祠前左有夾巷
通興化門其巷口直衢南行爲糶米街爲金地坊又南
至十字街左轉爲通津坊俗稱河下街城門曰清波門
卽古鐵鑪門蓋冶鐵所謂鐵鑪步者也秦志譌爲鐵

關門門內繞城直南爲司前街舊湖西道署今學院前也曰崇教坊南訖觀巷則今府學前也而司前街有巷曰禪居巷古禪居寺在焉寺廢而巷名猶存其巷分兩岐俱達南門街出清波門爲清波塘爲拆船坊南爲龜石坡又沿江岸而南至文名門外爲天慶塢右繞城至南薰門外爲南門嶺爲石人廟舊俱城三坊南關一廂地也城內凡爲街者五爲巷者四

糶米街 金地坊 亭子口 河下街 學院前

缺城巷 金釵巷 禪居巷 朱家巷

三坊在城內之南入文名門至府學前爲觀巷古元妙觀基也右轉而西爲廣壽巷抵南薰門爲南門街曰崇德坊又曰功成坊直行而東爲都司前都司前南通禪居巷北轉爲鄆家巷實古甄家巷之譌也都司前又東數武北轉爲魏家巷二巷俱達西門街又東而北轉爲厚福街俗譌爲豆腐街坊曰阜民坊北接亭子口東達清波門西爲純孝坊曰十字街自純孝坊直抵西成門凡里許曰西門街近西成門有夾巷南達又會爲一曰夾城巷蕭江書院基在焉又橫通小巷轉鄆家巷宋徐得之居城西有別業曰西園曰叢桂堂明初梁寅嘗記之故西門街曰叢桂坊其北轉爲人字街俗稱瓦子堆左而直下爲鞭子街曰平理坊又曰行春坊而鞭子街之橫巷爲古風義巷以唐時節婦魯氏名也出鞭子街

今訛爲
滿江書
院當仍
作蕭江
爲是

轉而與府前街直接爲遺直坊蓋宋學士彭龜年故居
有古巷橫轉爲勾欄巷通金地坊遺直坊又直南數武
爲明張春榜眼坊與亭子口接俱舊四坊五坊所并者
也凡爲街入爲巷入

南門街 都司前 厚福街 十字街 西門街

人字街 鞭子街 榜眼坊

觀巷 廣壽巷 甄家巷 魏家巷 夾城巷

風義巷 何家巷 勾欄巷

四坊當城之中稍南迤而西自府譙樓南直接榜眼坊
爲府前街古軍路巷也左轉爲施侯巷施侯廟基在焉
又曰師姑巷爲古報恩寺址相傳孝女謝小娥祝髮處
也府前街直前右轉爲柵口巷而府前舊有承流宣化
二坊又左有明金幼孜大學士坊右有傅翰大宗伯坊
大學士坊東爲狀元坊俗稱鮮魚牌蓋古賣魚市也武
廟在焉旁爲龍鬚巷巷左通白馬巷後爲向家巷宗伯
坊右爲縣前街縣前左前爲牢背巷右前爲新街南會
爲一是曰楊家山前右轉達柵口巷直前達人字街右
轉則城隍祠前矣縣前街直西爲司馬第前舊有簡霄
都憲坊實古千戶所前也又西爲富壽街南轉爲俞家
巷巷南曲轉爲城隍廟右巷富壽街又西而南爲芭茅
巷北爲江東廟後轉而西出富壽門舊俱并自城六坊
及七坊之半者也凡爲街六爲巷八

府前街 狀元坊 縣前街 富壽坊 新街

城隍祠

軍路巷 施侯巷 柵口巷 龍鬚巷 向家巷

牢背巷 俞家巷 芭茅巷

五坊在城西北隅入富壽門曲轉而東北爲雙井巷自巷東出爲馬鞍嶺南達江東廟北轉水口街踰而東爲萊公嶺又曰射垞嶺南抵富壽坊街北對朝天宮自朝天宮前東行爲府治後街有巷北達曰錢家巷有街轉而北爲百花洲宋時爲光祿卿楊申別墅後轉爲向氏薌林朱子嘗訪向浩講學賦詩於此今遷建縣學在焉學旁有巷繞出學前北轉薌林巷者爲新學巷又迤北爲倉前巷孔家巷其東達者爲梅谷巷又轉爲皇華巷俱通東門耆德街朝天宮前直而西上爲水口街稍曲而北爲北門街舊有明進士錢應華恩慶石坊自府後街直抵北城門凡里許俱曰朝天坊城門曰朝天門出城門爲褒忠祠前一法菴前北行直抵楊家店高橋而止南踰富壽門西城門外爲舊演武亭嶽廟前俱城七坊之半及八九坊北關一廂西關一廂地也城內凡爲街六爲巷八

馬鞍嶺 萊公嶺 府後街 水口街 北門街

百花洲

雙井巷 廖家巷 錢家巷 新學巷 皇華巷

梅谷巷 倉前巷 孔家巷

坊井附

澄清坊在學號東 承流坊在府譙樓南

宣化坊在承流坊南 大宗伯坊在府治東數步

大學士坊府治西數步 尊賢坊以向子諱名

耆德坊以楊申致仕名 興賢坊在府城東

公選坊在城東以宋貢院名

壽俊坊在城東北 文孝坊在城東

青雲坊在城東 繡衣坊在城東南

孝感坊虎泉坊俱以魯孝子名

中正坊在府治東 金地坊在羅米街

通津坊在清波門 中和坊在府治左

狀元坊在府左鮮魚市為何昌言黎立武練子寧立

聚奎坊為歷科諸賢立 通稅坊在府治東南

平理坊即古行春坊在府治南

遺直坊在府治南以彭龜年居此名

榜眼坊在府治南為張春立

純孝坊在府治東南十字街

阜民坊在厚福街 崇教坊在城南

通聖坊在城南 崇德坊在南門大街

功成坊在南門街 登瀛坊為楊燦皮璵立

大京兆坊為胡奎立 解元坊在南門為彭綱立

尚書坊爲劉纓傅瀚陳壽立

叢桂坊在西門街以徐得之父子兄弟名

介福坊在府治南 都憲坊爲簡霄立

富壽坊在府治西 朝天坊在城北門街

黃閣元僚坊爲金幼孜傅瀚立

進士坊三一爲熊達劉松蕭一鶚立一爲張春邊毅立
一爲楊爲棟立

乙卯寶興坊爲晏仕翹徐雲程立

楚東三鳳坊爲李紹賢吳質愚張堯文立

兄弟聯芳坊爲張克文張堯文立

金榜羣英坊爲楊標徐雲程晏仕翹李采菲朱孟震啟

鯤張克文劉斌朱璉姜奇方立

元科四儁坊爲蕭允儒張喬松孫承南楊一桂立

庚午寶興坊爲曾遷程達龔如卿譚禮熊士彥李采蘩
立

恩慶坊爲錢應華立

世進士坊爲彭而珩彭元祚立

六朝人瑞坊爲錢暘英立

貞節坊雍正九年爲范敦化妻簡氏立

府治井七名七星井 縣治井二

府學井 三皇殿前井

司馬第前太平井

即舊千戶所前井乾隆四十三年知縣鄧廷輯從居民請重加修濬

鄆家巷井

南門解元坊井

報恩寺井又名師姑井有鐵井欄

甲仗坊井

西門舊五坊一舖井

城隍廟口井

梅谷巷井

萬勝門內井

北塢寺井

北約雙井巷內雙井

江東廟口雙井

萊公嶺方井

元妙觀三清殿前井

北門城下落星井

東門外蕭灘驛背井

東門外纜橋井

鄧志曰舊志紀井而不列坊然表厥宅里樹之風聲亦尚賢尚貴遺意往者坊石崩壓行道被傷奉

檄各處舊坊槩行折去故自隆慶府志所列坊表而外餘多無可稽核惟從舊郡城圖及所見聞稍增一二以著故蹟究之人之傳不傳無關於坊之存不存也至於井便行汲舊志所載今亦未盡如故然形家謂城內起民家井太多慮洩地氣茲志僅增萊嶺一井餘仍舊志不復瑣綴云

又曰三輔黃圖特詳八街九陌東京夢華錄備紀街巷坊肆茲按城中五坊街巷次第觀縷頗倣其例其五鄉十七都郵保未能周歷前後距離慮致差謬故但溯都圖分井而按圖分列地名其有一地而二三圖錯見者但列其一用省繁複以茲志

紀地非紀戶籍也

思賢鄉在縣西南境秦志云宋治平三年割新喻思賢鄉增隸清江實隋以前吳平縣地也吳平城故址在焉鄉以墨莊劉氏得名劉氏蓋其鄉人也舊領一都至六都爲都六爲圖四十有五康熙二十二年合并爲一二三都及四都之一二圖凡十有七圖

建安鄉在縣西南境當思賢修德二鄉中而南與新淦接迤而東則錯處崇學茂才二鄉間與豐城接壤南唐昇元二年析高安建安鄉爲清江縣縣治蕭灘鎮建安鄉地也秦志以建安鄉析自新喻誤矣舊領七都至十一都二十八九都三十一二都爲都九爲圖六十有一康熙二十二年并爲四都之三四五圖五都及六都之一二三圖十四都及十五都之一圖五圖十六都之一圖凡十有九圖

修德鄉在縣西北境南唐昇元二年析高安修德鄉隸清江舊領十二都至二十都爲都九爲圖七十有二康熙二十二年并爲六都之四圖五圖七都八都九都及十都之一圖至四圖凡二十有一圖

崇學鄉在縣東北境南唐昇元二年析新淦崇學鄉隸清江今樟樹鎮古新淦縣治也治城遷而鎮亦崇學鄉地矣府志以鎮七坊屬建安鄉疑因城之坊廂而誤及之也舊領二十一都至二十七都爲都七爲圖三十有

九康熙二十二年并爲十都之五圖十一都十二都十三都凡十有六圖

茂才鄉在縣東南境宋治平三年析新淦茂才鄉增隸清江鄉本以舉茂才得名秦志茂才作材者傳刻謬也舊領三十都三十三都至三十八都爲都七爲圖三十有二康熙二十二年并爲十五都之二三四圖十六都之二至五圖十七都一至三圖凡十圖

一都一圖舊一都一圖至五圖隸思賢鄉

庫塘 荷溪 黃遺塘 閔港 梭院 廣德寨

菽塘 嶺上 劉家院 南塘 雙橋

二圖舊二都一二圖隸思賢鄉

石橋頭 高嶺 小姑墟 版城 清泉

淖港 運塘 詩塘 里湖橋 泉港

阮里 城湖

三圖舊二都三四五圖隸思賢鄉

黎墟 港西 星橋 關塘 石子山

馬施山 沂坊

四圖舊二都六七圖隸思賢鄉

前院 永院 西院

五圖舊二都八九圖隸思賢鄉

烏堆 鄒家坊 泉塘 曹家坊 錢家嶺

八耳窩 澣峯邨

二都一圖舊二都十圖三都一二圖隸思賢鄉

琵琶橋 五鳳塘 江邊 下陂 牌下

溪壩 祿溪 堆上 江背

二圖舊三都三四五圖隸思賢鄉

柘莊 中洲上 上塘 官塘 白沙

後塘 歐閭 滲塘 蠻塘 西塘

水濂 石頭

三圖舊三都六七圖隸思賢鄉

金城寺 樓前 萬塘

四圖舊四都一圖至六圖隸思賢鄉

磨塘 磨港 苦竹 段塘 烏塘

竹陂橋 城山 檀樹 福山寺 東嶽廟

羅家港

五圖舊四都七八九圖隸思賢鄉

羅塘 遇塘 赤基塘 丁陂 新塘

買塘 烏港

三都一圖舊五都一二圖隸思賢鄉

天井 山下港 管頭 彭公塘 墟塘

關里 織塘 晚塘 水背 東源塘

二圖舊五都三四圖隸思賢鄉

長湖 余家渡 石山橋 水磨兜 廊下

東鄉里 大規 院前 來陂 後坊

城盤 菱塘 茆園 荷陂

三圖舊五都五圖六都一圖隸思賢鄉

黃埔橋 湖下 金澤 柞樹埠 散游岡

山上 杲湖嶺 梘塘 上泉塘 密下

大路

四圖舊六都二三圖隸思賢鄉

謝家洲 基下 沃塲 龔家坊 湖頭

皮家洲 羅家灘 埭下 楓阮 嶺頭

長山里 團峯港 黃土 港里 浯塘

五圖舊六都四五圖隸思賢鄉

馬青 觀前 太平市 藻背塘 河口阮

竹塘 傅阮 鄒家基 饅頭洲

四都一圖舊六都六七圖隸思賢鄉

聶塘 洛湖洲 江口 埭上 潭里

海棠下

二圖舊六都八九圖隸思賢鄉

洛湖 孟塘 港口 橋頭 石溪

倒塲埠 孟溪塢 黃家山

三圖舊七都一至四圖隸建安鄉

黃家渡 畚里 盤石 楊鳳洲 十字巷

玉湖峯 東港 方湖 前厯 李家塢

姜湖洲

四圖舊七都五六七圖隸建安鄉

吳塘 蝦墓塘 石塘 蠡湖 鳳凰山

五圖舊八都一二三圖隸建安鄉

岡下 藍埠洲 長藍 黃婆洲 顴塘

富塘 牛塘 沙灣 安陽 山背

五都一圖舊八都四五六圖隸建安鄉

橙院 長院 長塘 伍姜 龍眼院

中院 鄒岡 皮家橋 港東 珠院

二圖舊九都一至四圖隸建安鄉

石頭院 團山 窰里 石下 東塘院

姜嶺 芙蓉塘 渚塘 牛渡 魯坊浦

三圖舊九都五六七圖隸建安鄉

上渚塘 游家港 萬碩洲 十二埭 丁家渡

四圖舊十都一至四圖隸建安鄉

圓塘 上雨塘 岡上 上武塘 盧洋

烏泥橋 汪坊 新塘 小溪 昭岡

樞橋 下邨 惟佳山 聶婆埭 粉牆里

五圖舊十都五六七圖十一都一二圖隸建安鄉

祝家埭 前塘 任家橋 官山 楓林觀

五埭 黃塘溪 塘坪港 桐湖頭 劍池廟

雙港 香田 桐樹塘 落岡院 塘邊

伊塘 龍岡上 窰巷里

六都一圖舊十一都三四圖隸建安鄉

長田 石岐 東邊 老姑塘 樾山

桐林 院背

二圖舊十一都五六七圖隸建安鄉

山前 吳城 潦濟廟 橫岡上 認塘

銅陵

三圖舊十一都八九十圖隸建安鄉

新溪 簇山 山中 水南 唐源

棖溪

四圖舊十二都一至四圖隸修德鄉

路口 湛溪 白路 相公廟

五圖舊十二都五至十圖隸修德鄉

阮里 孤塘 舉塘 黃家店 石阮

井阮 小陂 菱背

七都一圖舊十三都一二圖隸修德鄉

穆塘寺 楊阮 橫塘 瓦城塘 觀邊塘

二圖舊十三都三四五圖隸修德鄉

十里店 港坪廟 紐塘 上汶 觀前

後石塘 李黃店 朱羅橋 雌溪橋 王公墓

橫塘 陵里 茆店 環堆

三圖舊十三都六七圖隸修德鄉

山橋 栢塘 小烈 伍石洲 紐岡倉

季港

四圖舊十三都八圖十四都一二四圖隸修德鄉

東港

梘橋

耕塘

雲溪

湖坊

塢前

酌塘店

潛塘

大塘

洋阮

五圖舊十四都三五六圖隸修德鄉

塘西

荷風塘

上保

塹里

杜塘

南保

不休山

止營塘

璜溪

社里

八都一圖舊十四都七八圖隸修德鄉

儲山

蕭塘

黃福

灣路頭

觀阮

灣里

二圖舊十四都九十十一圖隸修德鄉

大嶺

大園里

橫岡

北阮

大佐塘

太坪

虎阮

三圖舊十五都一二三圖隸修德鄉

神嶺

灣頭

竹園

岡背

岡東

皦湖

灌頭

水溪

鄢家渡

方塘

鵠林

慈塘

四圖舊十五都四五圖隸修德鄉

梘林舖

小洋

埠下

倉下

南陂

南溪

五圖舊十五都六七圖隸修德鄉

沼岡上

楊園

下埠

經樓

舖背

長岡頭 楊岡上

九都一圖舊十六都一至七圖隸修德鄉

白湖 沙陂頭 新塘 江湖頭 土橋

株山 後窰 檀林 前窰 土湖

江口 胡家渡 高陵 古牛埭

二圖舊十六都八九圖隸修德鄉

東里 郭坊 青湖山 洋壩 朱家橋

里圩洲 汀前 鴈埕 故邨

三圖舊十七都一二圖六七八圖隸修德鄉

鄧塘 沙壩上 社前 蓼湖洲 打禾場

薛家渡 汊口 潮沂埠 古汊 新塘

江上 門樓里

四圖舊十七都三四五圖隸修德鄉

南山頭 沙河基 舖背 舖里 槎山里

老岸 流芳 荷湖館

五圖舊十八都一二三圖隸修德鄉

楓樹阮 大路 蕭家渡 陳家坊 徽埠

麻埠橋 蕪下 梘橋

十都一圖舊十八都四至八圖隸修德鄉

小洋 武塘 盧塘 姜家壩 院上

小洲上 王家圳

二圖舊十八都九圖十九都一二三圖隸修德鄉

蛟湖 中坊 走馬埭 江湖埭 槎湖

張家山 崇真觀 賜埭 橫路 填山

雙塘 河頭 湖頭

三圖舊十九都四五圖隸修德鄉

湖尾 長湖 雙埭 桑林 杜家坊

小潭

四圖舊十七都九至十二圖二十都一圖隸修德鄉

後埭 枯洲 張家洲

五圖舊二十一都一至四圖隸崇學鄉

橫里 沔下 倒樹下 梘口 石埠岡

伏溪橋 車上 流墓 店下 阪山

觀洲上 龍池埠 畚里

十一都一圖舊二十一都五圖二十二都一圖隸崇學

鄉

壇堆 孤田 牌里岡 講教巷 瓜畚里

老虎山 觀上墟 城上 王家園 沙溪長塘

二圖舊二十二都二三圖隸崇學鄉

上湖 潭埠墟 門樓 社山 大園

大路 楊坊 塘頭 湖頭 敖坊

湖下 竹園里 溪蹟

三圖舊二十二都四五圖隸崇學鄉

東岡上 鄧坊 埭頭 灩上 後坊

下湖

四圖舊二十二都六七圖隸崇學鄉

陂頭園 麗城 大郭下 曹家堆 井頭

皮澤 城東

五圖舊二十三都二三圖隸崇學鄉

龍潭 下瀛 彭澤 洪姑塘 小橋

下店

十二都一圖舊二十三都一圖四圖隸崇學鄉

石紫頭 茅坪上 黃泥塘 車潭 藍登隴

禾埠

二圖舊二十三都五六圖隸崇學鄉

東邨 灘頭 澤上 松湖

三圖舊二十四都一至五圖隸崇學鄉

牛灣 城上 張家埭 清潭 春潭

大路 觀巷 荆田 社上 園下

大田 故里 下倉

四圖舊二十四都六七圖隸崇學鄉

後維里 魚塘 梘頭 大橋 土塘

陽頭 鄒坊

五圖舊二十五都一二圖隸崇學鄉

南上 杭溪 水東 水西 橋頭

上郭 瀛上 岡頭 塘里 水磨下

觀下 上梘頭 九仕里 楊公田 赤城觀

十三都一圖舊二十五都三四圖隸崇學鄉

南陂 曲水橋 程坊 郭里 丁家園

土橋

一二圖舊二十六都一至四圖隸崇學鄉

官湖 桑家坊 橋背 輞川塘 洋湖

櫪下埭 龍家坊 塘西埭 窰下 湖弦上

石岐埭 塘頭園 段頭

三圖舊二十六都五圖二十七都一圖隸崇學鄉

汪家坊 稠阮埠 小陂頭 湖洲上 洋滿塘

店前

四圖舊二十七都二三圖隸崇學鄉

福社 城頭 古亭 茅埭 傅家山

晏公廟 嶺上 西邨 新城 南陂

沙埭

五圖舊二十七都四五圖隸崇學鄉

九塘 前邨 冰塘 薌溪 賴家橋

韶塘 亭子上 橫山

十四都一圖舊二十八都一二三圖隸建安鄉

中郭 邨頭 大栢埭 大禾溪 橫埭

郭里 銓叙莊 沙溪 下埭 塘口前

四圖舊二十八都四五圖隸建安鄉

雙塘 閘橋廟 甘坊 余家埭 蛟湖溪

三圖舊二十八都六七圖隸建安鄉

溪東 古楮樹 大基山 孔埠

四圖舊二十八都八九圖隸建安鄉

灘下 大路巷 白水湖

五圖舊二十九都一至五圖隸建安鄉

吳家埠 洛橋 橫梁 下保 百歲坊

嚴埠 茅洲 蛇溪 黃都

十五都一圖舊二十九都六至九圖隸建安鄉

余家洲 武林 田埠 淳湖塘

二圖舊三十都一二圖隸茂才鄉

上洋塘 觀山頭 石岡 何家莊

三圖舊三十都三四八圖隸茂才鄉

橫圳上 下洋塘 灌湖埭 湖尾 賴當里

四圖舊三十都五六七圖隸茂才鄉

銅鑼江 瓦澤 大塘里 范坊 周家莊

店前

五圖舊三十一都一至四圖隸建安鄉

楓樹下 橫里 皮家埠 小洲上 覽上

坂山 湖西巷 金鳳洲

鄧志曰十四十五二都舊志之二十八九三十三

十一都也舊志二十八都二十九都三十一都俱

能攷正否

隸建安鄉而三十都隸茂才鄉今其鄉之人多自以謂俱崇學鄉地且以舊志分隸建安茂才二鄉為誤詢厥所以則云故老流傳而亦未能實有徵據也考舊志之編鄉都本之隆慶府志而隆慶志實沿自元明以來所修之志使其有譌從前豈無釐而正之者然以本鄉之人言本鄉之地傳稱既非一日且亦何所嫌愛而必以為崇學鄉者是又未可厚非矣茲志分都悉載新編隸鄉仍沿舊志雖未敢以鄉人所稱而遽更故籍仍附其說於此以俟後之攷正

按清江未立縣時建安鄉隸高安在大河之北崇學茂才二鄉隸新淦在大河之南建安鄉地勢不能越河而錯入於崇學茂才之間使一縣所屬華離為二當係立縣之後割崇學之寬益建安茂才之狹故官以版籍為據而民仍故老之傳以致斷斷也此雖別無徵驗不能攷正要之事理實應如是願以質於世之達者

十六都一圖舊三十二都一二圖隸建安鄉

杜橋 王家巷 皮家橋 楊木橋 趙家橋

樟橋 方門山 張黃 樨林 水南

周坊 關坊 港里 上洋

二圖舊三十三都一圖隸茂才鄉

大坪 赤岡 紫源 鍾家坊 洗紗埠

枋原

三圖舊三十三都二三圖隸茂才鄉

官塘 城上 單家坊 下孤山 釀山

嶺西

四圖舊三十四都一二三圖三十五都一二三圖隸

茂才鄉

店下 觀社 蠶原 燕阮 王家坊

楓田 楓陂 檀岡頭 高槎港 鄧阮

廬嶺下 尚樂阮 坊上 博原 紫沙港

感陂 小岡 阮里 塘下 大岡上

張家巷 堆上 澄山

五圖舊三十六都一二三圖隸茂才鄉

紫勒 楊家坊 羅家橋 朱阮 花園里

宜山里 洞塘 長山里 巷背 小畝里

七圳里 屯陂頭 小阮 城上 田隴

樟茂

十七都一圖舊三十七都一二三圖隸茂才鄉

湘溪 芙蓉 黃家巷 山下 均上

石門里 葛仙觀 臺埠 小埭里 瓜山里

石陂 劉家埭

二圖舊三十八都一至五圖隸茂才鄉

太和阬 烏溪橋 牛頭城 黃栢埠 中埭

石埭 饒家坊 黃葉塘 慕山塢 塔前

磚橋上 彭家隴 塘墜上 朱家口 社里

鄒家溪 橘原 洋湖莊 水洲上 祖師洲

通仙街

三圖舊三十八都六至九圖隸茂才鄉

鄧家湖 大觀橋 水北山 永泰廟 阮口舖

阮湖頭 沙埭

鎮市

樟樹鎮在城東北三十里卽古新淦縣治舊址隋開皇中縣城南徙遂爲鎮袁顛一江合流繞鎮而北以其控

翼清江下游故又稱清江鎮相傳吳丹陽太守聶友嘗

逐白鹿箭中大樟滅怪居人德之因稱鎮之水曰鹿江

焉形勢西北瀕大江其左淦水會蛇溪入江有湖遠其

後曰瓦窰湖先是有小溪江水灌入與瓦窰湖通後人

以水患堵塞之今秀江橋遺跡尚存鎮周遭十里許爲

門者四北出曰大德門迤北而東曰菜市門正東曰東

門正西曰秀江門迤西而北曰上石埠其街曰衣服街

曰鮮魚街曰坪上街曰牌下街曰東門街曰南橋街曰

下街卽古瓷器街曰買舟街俗譌爲滿舟曰後街曰司

前街曰洲下街曰蘚溪街曰市背街曰申明亭其巷曰

井闌巷曰雷家巷曰麻家巷曰晏公巷曰打銅巷曰辛

家巷曰楊家巷曰小市巷曰二斗米巷曰封溪巷曰朱紫巷而封溪朱紫二巷皆南出往閣阜山道也舊編里甲凡七坊後合爲三康熙二十二年又并爲一坊原設清江鎮巡檢司巡檢稅課局大使各一員明萬曆中稅課大使裁

國朝於鎮立樟樹營以都司駐守巡檢司仍其舊乾隆三十一年巡檢奉裁以本府糧捕通判移鎮其地都司改駐府城而營更爲樟樹汛以把總分防焉

按樟樹鎮江西一衝會也山水環遶舟車輻輳爲川廣南北藥物所總滙與吳城景德稱江西三大鎮地勢與城邑相倚角文物亦與城邑相頡頏非他市可比前明秦令修志時稅課日增市猾又習爲欺罔商民交困目擊時艱不勝慨乎言之當鄧令修志時蒙

國家保聚之德已百三十年見其商民樂業貨物充初深致慶幸今則廛舍益增人文愈盛雖通都大邑無以復過居於是者可忘其所自哉

永泰市在城東南十五里與新淦大洋洲接壤雖繁會視樟樹稍遜而士多務學民亦習勤市有田相公祠宋紹興閒岳忠武道此曾謁祠下蓋古蹟也形勢負閣阜望蒙山百丈諸峯浮嵐疊翠如畫圖後有三溪杏湖之水市前故小港明成化末贛水暴漲衝決遂成大江江

畔兩洲水淨沙明楊柳芬蔚近因水勢直下紳士合建
永鎮塔及文昌閣以控下游每登臨遠眺則城郭洲渚
盡在目前亦一大觀也地出棉布衣被楚黔閩粵爲門
者七正東曰向陽正南曰古樓西南曰迪賢曰紫荊正
西曰毓秀西北曰近光正北曰望京爲街者六臨贛水
曰前街又名河街由鐵鑪埠左行直上曰後街又名大
街再上曰十字街曰鹽街橫抵大井頭曰橫街又轉曰
通仙街爲巷者六曰鐵鑪巷曰楊家巷曰鷄街巷曰康
家巷曰橫巷曰藍家巷分四舖六團十坊
太平市在城西南三十里地屬思賢鄉三都五圖元時
置巡檢司明初裁

黎墟在城西五十五里地屬思賢鄉一都三圖
江邊墟在城西五十里屬思賢鄉二都一圖
上塘墟在城西南三十五里屬思賢鄉二都二圖
黃土墟在城西南五十里屬思賢鄉三都四圖
洛湖墟在城南三十五里屬思賢鄉四都二圖
長藍墟在城南四十里屬建安鄉四都五圖
姜璜墟在城南十里屬建安鄉五都二圖
渚塘墟在城南十里屬建安鄉五都三圖久廢
香田墟在城西十五里屬建安鄉五都五圖
雙港墟在城西十五里屬建安鄉五都五圖
山前墟在城西二十里屬建安鄉六都二圖

大有墟卽杜塘墟在城北三十里屬修德鄉七都五圖
經樓墟在城北二十里屬修德鄉八都五圖
薛家渡墟在城東北三十里屬修德鄉九都三圖
蛟湖墟在城東北十里屬修德鄉十都二圖
觀上墟在城東七十里屬崇學鄉十一都一圖
潭埠墟在城東六十里屬崇學鄉十一都二圖
大橋墟在城東四十里屬崇學鄉十二都四圖
洋湖墟在城東十五里屬崇學鄉十三都二圖
薌溪墟在城東四十五里屬崇學鄉十三都五圖
銅鑼江墟在城東南十里屬茂才鄉十五都四圖
店下墟在城東五十里屬茂才鄉十六都四圖

橋渡

問津橋在府學右宋軍學前也朱子過臨江嘗問津於
此有南市津頭問買舟之句

清風橋在天寧寺左明敖英詩我拄鐵杖閱逍遙江聲
欲撼清風橋 濟美橋在天寧寺右宋時名明月橋今
府城跨二橋之上

清碧橋在通津坊

北津橋在金地坊

廣濟橋在公選坊又曰虎川橋宋時建貢院於此
善嘉橋在東門外二里明閣部楊廷麟故里在焉
迎恩橋在東門外元妙觀前

伏馬橋正中橋俱在南薰門外慧力寺前

右城內外之橋十

琵琶橋在城西五十里

江邊橋在城西五十里

中洲橋在城西五十五里

歐里橋在城西五十五里

張家橋在城西五十五里

古牛石橋在城西五十三里

山上橋在城西五十二里

石頭橋在城西南四十里界新喻

山下港橋在城西南四十五里

管頭橋在城西南三十五里

石山橋在城西五十二里

架連橋在城西南三十五里

黃埇橋在城西南四十五里久廢

柞樹埠橋在城西南四十里

窰下橋在城西南三十八里

上阪橋在城西五十里

太平橋在城西南三十里界新喻

右思賢鄉之橋十有七

上陂橋在城南十五里

龍岡橋在城南十里龍岡舖

吳公橋在城南五都明嘉靖閔同知吳必學修

麗春橋在城西三里

隸鐘橋在城西南三里

白沙橋在城東二十里

大禾溪橋在城東十五里

嘉湖溪橋在城東十七里

折橋在城東北二十二里

踏水橋在城東十八里

大埠橋在城東北二十五里

楊橋在城東北二十五里

赤巷橋在城東二里中洲

青石橋在城東二里中洲

灑下橋在城東四里中洲

杜橋在城東四十里

趙家橋在城東三十里

迎龍橋在城東四十五里

周坊橋在城東四十五里

長生橋在城南五里孫良石修

右建安鄉之橋二十

朱羅橋在城西五里

雌陂橋在城西十五里

蕭洲橋在城西四里

三橋在城西二十里

永興橋在城北八都明萬曆四十六年建

一念橋在城北十里明天啟元年商人嚴姓募建

曲水橋在城北三十五里跨曲水上發石爲隱崇丈有二尺廣尋有三尺長六丈有五尺兩傍護以石檻旁爲曲水公館

經樓橋在城東北二十里

高橋在城北五里明嘉靖十七年知府李易建發石埭爲三甕高廣俱丈餘長五丈餘郡人黎龍記

興仁橋在城東北三十里薛家渡嘉慶二十四年里人王元伸熊濟昌等募建有記

青龍橋在城東北二十五里十都合流寺後道光三年寺僧募建

佛頭湖橋在城東北二十三里

朱家渡橋在城東北二十四里

黃家陂橋在城北八里湖坊附貢生黃作楫重修

右修德鄉之橋十四

伏溪橋在城東七十里

亭子橋在城東六十七里

潭埠橋在城東六十五里

清豐橋在城東七十里以清江豐城兩縣接界名

馬纓橋在城東北四十五里

龍潭橋在城東北四十六里

牛灣橋在城東北四十里

禾埠橋在城東北四十里

清潭橋在城東北三十六里

徐塘橋在城東北四十五里

柳陂橋在城東北四十五里

大橋在城東北四十里舊係木橋道光三年塌頭孀婦傅皮氏率媳守節傅熊氏嗣孫方忠改建石橋並兩涯石泊岸用白金一萬五百兩奇方忠題敘七品頂帶

沙窩橋在城東北三十五里

鄒坊橋在城東北三十六里

長齡橋在城東北三十五里

龔家橋在城東北四十四里

南上橋在城東北三十七里

龍灣橋在城東四十二里

踏埠橋在城東四十里

合襟橋在城東三十八里兩水合流故名

南陂橋在城東四十里

曲水橋在城東北距樟樹鎮五里

土橋在城東北距樟樹鎮半里

南橋在城東北三十里樟樹鎮

烏泥橋在樟樹鎮蛇溪口嘉慶初年鎮商等呈縣募修

翼以石欄高廣倍舊易名永濟以紀當事及捐輸者之德

狗頸橋在城東北距樟樹鎮五里

龍坊橋在城東十五里

何陽橋在城東四十里

蕪溪橋在城東四十里順治九年知縣洪其清建

賴家橋在城東四十里

嚴家橋在城東四十里

何家橋在城東北四十三里

右崇學鄉之橋三十有二

王家坊橋在城東南四十里

羅家橋在城東南四十里

洞塘橋在城東南三十五里兩山聳峙閤阜水束而中流斃石爲橋橋覆以屋嘉靖閒豐城巡撫都御史徐南金題句猶存

會仙橋在城東南五十里閤阜山石門北百步

梅花橋在城東南五十里閤阜山中世傳葛孝先嘗嚶水於橋石每當春夏橋上時聞梅花香氣

黃規橋在城東南四十五里屋覆其上祀關漢壽亭侯故俗稱關王橋

臺埠橋在城東南三十五里

永寧橋在城東南四十四里

車埠橋在城東南二十里

大觀橋在城東南二十里跨溪發石袤四丈餘而屋覆之明吉水羅洪先書榜猶存橋側有菴曰普濟

石埠橋在城東南二十里永泰市迪賢門外

澣溪橋在城東南二十里永泰市南坊

瑞麟橋在城東南二十里環洲

大塘橋在城東南十六里

右茂才鄉之橋十有四

秦志城鄉之橋凡二十有六蓋僅據隆慶府志錄之康熙府志視隆慶志亦止增三橋鄧志合城內外五鄉計之爲橋者百有一所則已增十之七矣

今復增新建六橋共百有七所其閉石橋若高橋

曲水橋大橋永濟橋有屋之橋若大觀洞塘堅壯鞏固成之匪易諸橋未能盡然然川梁王政所有事徒枉輿梁胥便行道詳而紀之固非過爲瑣屑也

城下渡舊凡五處曰學前渡在文名門曰清波門渡曰興化門渡曰萬勝門渡曰漁洋渡在東門今并爲二處一在清波門一在萬勝門

蛟湖渡在城東北十里十都

窰里渡在城南三里五都

石下渡在城南五里五都古袁顛合流處

牛渡在城東南十里五都

瀆塘渡在城南二十里五都

游家洲渡在城南二十五里五都

丁家渡在城南三十里五都

羸湖渡在城南三十里四都

吳塘渡在城南三十里四都

姜湖渡在城南三十里四都

彭家渡在城南三十里四都

長藍渡在城西南三十五里四都

洛湖渡在城西南三十五里四都

黃土渡在城西南四十里三都

天井渡在城南五十里三都接新喻界

蒙山江渡在城西南三十五里今廢改爲大平橋

右袁江渡自蒙山江改橋外凡爲渡十有七處

婁家渡在城東南二十五里十七都接新淦界

永泰渡在城東南二十里十七都

銅鑼江渡在城東十五里十五都

洛橋渡在城東十里十四都久廢

新馬頭渡在城東十里十四都道光三年銓叙庄曾致

遠捐糧田三十畝零五釐店房一所洲地一段建爲義

渡

塘口前渡在城東十五里十四都

橫梁渡在城東北二十里十四都

荷湖渡在城東北二十里九都

老岸渡在城東北二十五里九都

薛家渡在城東北三十里九都

上石埠渡在城東北三十里樟樹鎮舊移自小市坊

大德門渡在城東北三十里樟樹鎮

牛灣渡在城東北四十里十二都豐城界

右贛江渡凡十有三處

清江縣志卷之四

城池

建邑設官以爲民衛城池重矣而治必嚮明退思
補過公署者所以聽公事也至於積粟以裕民食
足而民志定尤金湯之首務也夫月令補城郭治
宮室修囷倉每歲不越常期清江附郭樓櫓稱雄
官斯土者可視一官如傳舍哉蓋必有所以資富
能訓維以永年者在矣撰城池列志

南唐昇元二年始升蕭灘鎮爲縣其時城制無可考

宋淳化三年以清江縣建臨江軍縣爲附郭始築土城

然城之東岸瀕大江江水漲輒崩齧基勿克固守土者

教避

乘閔令民具畚鍤補綴罅漏苟恃無患而已

元大德間總管李佃始伐石築陂障免水患至正間守臣保童始築城浚濠其東面尋沒於江西南北復就圯城制亦仍未備

明宏治十年知府吳叙度土城故址增築之正德六年華林賊掠城城毀明年知府熊希古乃改築甃城爲雉凡三百有奇周一千五百六十七丈三尺高一丈六尺有奇爲女牆凡二千九百四十二高視城身殺十之七厚下一丈二尺有奇上殺其二實以土石覆以觀樓加浚西南北三面濠深廣如制爲門八東曰廣濟曰利涉曰圍化曰鐵鑪南曰鍾秀西曰望仙曰富壽北曰朝京提學彭綱記之後東南復爲江水所壞嘉靖元年知府徐問十四年知府徐顥先後重葺三十九年巡撫何遷按郡病城界薄檄府增高四尺撤去觀樓以防潛匿建宿樓三十一所敵臺十五座旋於東面增闢丹鳳門更名文名門又闢育賢門且更利涉門爲萬勝圍化門爲興化望仙門爲西成朝京門爲朝天餘如故凡十門久漸傾塌崇正八年知縣王心純復修治十一年知府胡承清推官胡來相知縣秦鏞增建窩舖一百十所敵臺二十座十四五年水患相繼城凡三圯計二百餘丈署府事推官俸秉澹知府毛之儁知縣秦鏞捐貲修築

國朝順治八年清波門石坎壞城陷九尺知縣洪其清重

緒康熙二年總督張朝璘按郡又檄知縣張暎增高二尺六年四月大雨清波富壽二門城圯數十丈守湖西道施閏章知府王撫民同知李一盛通判溫如璜推官張亨升知縣屈有信捐貲整葺乾隆二十三年知縣沈廷標以修城詳請報可改建門樓雉堞計共一千七百七十二丈五尺費出廉俸及贖金之餘計共二千四百七十餘兩城制益大備今城門十東仍曰廣濟曰育賢曰萬勝曰興化曰清波而文名則更爲興仁今仍稱南文名仍曰南薰西仍曰西城曰富壽北仍曰朝天乾隆三十一年育賢門災後因縣學遷建遂加堵塞

秦志曰城十門爲正門者四餘六門東瞰江者五

以西配東者一蓋建城時形勢與江相附縱與廣不及什伍故多開震巽二方以迎水秀清波萬勝舟車輻輳地也興化富壽或以爲郡龍雙耳闕陽而堵其陰懼不稱也文名育賢考宏治郡志尚無此門蓋嘉靖末遷郡學後始開文名以攬金鳳之秀專爲郡庠設也縣庠已開執簡門通萬勝門又闕育賢門於其左從文名之例也隆慶間富壽興化二門塞其後復開至崇正六年六月秋試期迫兩學諸生具呈興化居民亦緣例上諸而三門俱復開惟富壽永閉崇正十年寇警三門復閉至十二年七月緣例復開遂不閉竊謂地方宜扼要防

諸必請
字之訛

禦最難此四門者永宜閉塞而文名育賢又當三年一開以密啟文運也

鄧志曰明末城守方嚴議永閉興化富壽文名育賢四門以省分防之力躧矣今四門洞闢伏莽無驚蓋

國家承平中外禔福禮義以爲干櫓不徒恃崇墉百雉也雖然重門擊柝以禦暴客司牧者何時不務持遠畧哉

城外東面大江不復浚濠自宋以來繕築圩隄以護城而城內地形以高臨下渠水穿岸東注於江者凡七虎川臺興化門皆水道所注深廣數丈許向敗實爲木植復加甕甃櫺以鐵以殺滌潦之勢西南北三面城外浚濠自西阬埤繞城而東出善嘉橋始迴折逆流而轉注至元妙觀出江形家謂之玉帶水

鄧志曰城東以江爲濠險從天設護城圩岸壘石爲之可無江水衝齧之患而迫岸渠水由高注下稍不疏卽水滲城脚故浚溝乃城工第一要務西南北三面積水環城旣符古制復釀地靈舊志謂久之不無侵占恐致淤塞誠慮之長矣夫伊減伊匹周雅攸稱以時訊察而修濬之爲政之良圖也

公署

倉儲附

縣署

南唐昇元二年升蕭灘鎮爲縣始建署在富壽岡之陽
宋淳化三年以清江縣置臨江軍徙建縣治於城東元
遷郡治左明洪武十年遷郡治右天順六年知縣葉洪
遵制增修宏治三年知縣李璵重葺地直深四十五丈
橫闊二十丈其制前爲聽事正堂嘉靖二十七年知縣
沈淮題額曰親民崇正間知縣秦鏞重修吉水劉同升
記

國朝乾隆二十九年知縣德隆榜以畏天勤民三十六年
知縣汪志仁重加修飭榜曰勿怠若事正堂左舊爲典
史贊政廳又左爲縣丞分署右爲縣庫再右爲舊主簿
署今爲典史廨又右爲黃冊庫爲下程序正堂前爲甬
道中立戒石亭勒戒詞曰爾俾爾祿民膏民脂下民易
虐上天難欺十六字今撤去左右爲吏書廊房十二間
知縣汪志仁捐修又前爲儀門明嘉靖四十二年知縣
廖文光建乾隆二十九年知縣德隆重新之其前左舊
爲迎賓館右爲土地祠又右爲監獄中爲大門道光三
年知縣張湄重修門外屏牆舊稍逼知縣德隆展前二
丈許東西壘輒門二東曰強教西曰悅安乾隆六十年
知縣鄭國棟改爲木坊東曰化行西曰俗美由正堂入
宅門爲後堂明宏治七年知縣萬琛重建榜曰存心嘉
靖十三年知縣朱元誥改建後堂爲軒德隆重葺之額
以退思補過由後堂入廨舍凡三進各三楹額曰紉蘭

左右翼以書屋汪令志仁捐葺西爲夕佳園亭一舊曰兼遂亭久圯按宏治郡志縣治內有清江道院堂一道分明樓清江碧嶂亭又西廊廡後有吏舍二所亦皆圯乾隆四十五年鄧令廷輯改建內宅道光三年張湄重加修葺

縣丞署在縣治左地直深十二丈橫濶七丈其制正門一重三間大堂一重三間內堂一重五間內宅三間客廳三間廂房三間門房及廚房各一間
主簿署舊在縣治右自主簿缺裁署廢

典史署舊在縣治左署壞遷建主簿署故址在今縣治右地直深十二丈廣七丈其制大門一重大堂一重三間內堂一重五間內宅三間客廳三間門房及廚房各一間

驛丞署舊在萬勝門外明萬厯間遷建廣濟門外驛名蕭灘丞缺奉裁署廢

巡檢署在清江鎮明洪武三年巡檢張天麟建

國朝乾隆三十一年缺裁署廢

府署附

宋淳化三年知軍事王禹錫創建軍州廨於富壽岡之陽卽縣舊治也治內有坐嘯堂司諫韓璜記元仍舊址壬辰燬明洪武初始建府署其制前爲正堂知府黃廷桂增創知府劉貞重建額曰衡鑑宏治間知府戴瑤增

建自記之知府尚縉旋加藻飭題曰靜治嘉靖甲申知府錢琦復新又改建經厯司照磨所以翼堂之左右繪古名臣事蹟於堂楣以自勵詳見學士汪俊記堂前爲月臺東西有井名七星井兩廊爲六科房中甬道有戒石亭

國朝乾隆壬辰知府李昌昱改建坊勒公生明三大字後復改爲戒石亭道光三年知府經額布仍去亭建爲公生明坊由甬道出儀門爲施侯墓卽舊志所稱施三十郎徙所居爲縣治者又前爲譙樓制甚偉元至正間達魯花赤定住創建明洪武間知府劉貞宏治間知府戴瑤先後繕葺

國朝康熙庚戌知府王撫民重建自記之乾隆壬辰知府李昌昱復修樓左爲黃冊庫 鑾駕庫俱廢又左爲土地祠樓前左右舊有旌善亭申明亭樓外南行數百步則鐘樓在焉制亦雄壯未詳其創建中懸銅鐘甚古擊之聲聞十餘里嘉慶十四年知府何裕均率在城士民重修形家謂郡城如舟此其檣也正堂後入川堂爲後堂宋元以來榜曰中和明嘉靖己亥知府李易重修易以體仁邨人簡霄記堂上屏門分書真西山四箴筆法迺古左右有廣豐庫軍仗庫堂後入宣化門右行數丈許爲桂花廳廳旁古桂數株蠅蝻蒼蔚花時香襲衣裾又鐵蕉一本高逾七尺許皆數百年物先是廳圯乾隆

今奉裁
：字此
次重修
：改為
缺裁
：字以下
今字皆註

今此二相
無存為
兵燹所
摧燬也

四十二年知府王引楷捐俸改建復舊觀焉山宣化門
正行入屏門內為澄心亭亭左右有池甃以石荇帶荷
錢池中綴綠池旁書屋各數楹蔭以修梧翠竹涼風颯
至不復知暑澄心亭後即內宅最後舊有一鏡堂已圯
同知署在郡治旁經歷司之左今奉裁署廢
通判署舊在同知署左乾隆三十一年徙建清江鎮東
街

推官署在舊通判署後今裁署廢
經歷司在郡治左

照磨司舊在郡治右乾隆四十三年移駐樟樹鎮
司獄司在郡治南街右今裁 當加署廢二字

行署

提督學政署舊在郡治前東街察院署之左康熙四年
知縣屈有信重修二十二年湖西分守道奉裁四十二
年知府高毓麒知縣甯堯采改郡治前東街舊署為關
帝廟而葺分守道署建號舍以為試院在天寧寺右大
門內有柏二株大數圍葉下垂如纓絡分峙甬道旁數
百年物也乾隆三十八年知府李昌昱重修學使汪廷
興記嘉慶十一年知縣方宗敬倡合四邑增建號舍編
為知仁聖義忠和六棚清江承修知仁義三棚並建讀
書臺以為督學查棚坐所兼存盧肇讀書舊蹟學使曹
振鏞知府何裕均並有記 今改為和親為樂安平六棚

察院行臺在郡治左關帝廟右今改建漕倉

湖西分守道署即天寧寺右學使署明嘉靖四十一年

移布政司參政一員駐劄臨江江陵陳大賓至撤舊分

巡道署更新之崇正十二年移鎮袁州所司爲行署

國朝仍改駐臨江康熙元年參議施閏章增葺立湖西道

題名碑自爲記又於署建亭曰就亭樓曰愚樓諸名人

題咏並詳蕭江唱和集畧見藝文康熙初裁湖西巡道

自是守道往來駐臨吉二郡各半載六年守道奉裁十

四年復設二十二年又奉裁今爲學使試院

湖西分巡道行署在天寧寺左康熙二年奉裁今爲城

守營

公館

察盤公署在縣治西馬鞍嶺南已廢

曲水公館在城北三十里

太平公館在城南三十里今立社倉於故址後

銅鑼江公館在城東南隔江十五里久廢

洛橋館在城東隔江十里久廢

荷湖館在城東北二十里久廢

接官廳在城東南渡江五里明嘉靖十五年知府徐顯

知縣高晉建尋廢

雜署

上諭亭在府前關帝廟右長四丈五尺橫廣三丈

遞運所有二一在清波門外明洪武五年同知韋潤建
舊設水夫一百二名已廢一在永泰市亦廢

司獄司在府前街右司左旁爲府獄府獄後爲縣獄獄
後西臨牢背街獄左有巷曰牢巷前出府前街石坊下
對師姑巷口後出牢背街巷口有小祠曰衍慶康熙初
司獄缺裁府獄廢以縣獄歸典史經管遷縣治右今司
獄司署改建龍神廟而府獄基久爲民閔侵占蓋造厩
舍展轉私鬻獄北牢巷亦失其縣獄舊基亦漸爲民圍
築乾隆四十五年知縣鄧廷輯清查官地以府獄基民
占已久不忍深究祇清出縣獄舊基自南至北長十五
丈有五尺自東至西廣十丈有五尺西臨牢背街其東
一直官墻尚存

稅課司在府前街右明初建萬曆間稅課大使裁司廢
後改建爲練公祠今存

稅課局舊在清江鎮明洪武三年大使陳方秀建久廢
陰陽學在郡治前左街已廢

醫學在郡治前左街亦廢

僧剛司明時在天寧寺今無定所

道紀司明時在元妙觀今無定所

惠民藥局在郡治前久廢

弓張局在郡治前亦廢

養濟院舊在東門外蕭灘驛左後移城東卽古旗纛廟

網誤
作剛

基

育嬰堂在南門街乾隆二十五年郡守婁廷彥重葺
廢至三十三年改爲都司署道光三年陞任撫部程含
章郡守經額布知縣張湄各捐廉銀一百兩闔邑士商
捐銀約共一千二百五十兩奇於四年去價制錢三百
四十千文契買富壽岡民房一所直長二十六丈橫寬
四丈一尺建爲育嬰堂因經費尚屬不敷現在勸捐俟
有成數再行詳定妥善章程

普濟堂在郡治後街乾隆三十五年郡守李昌昱奉
恩旨創建以恤孤老今遷褒忠祠旁

漏澤園舊凡六處南薰門外二廣濟門外二朝天門外
一西成門外一又乾隆四十四年生員陸光洙呈捐已
地入官爲義冢在西成門外名陸家園長五十三丈廣
二十三丈

鄉約所舊有五所東約舊在元妙觀南約在天寧寺西
約在城隍廟北約在朝天宮中約在江東祠

倉儲

漕倉二所一在府治左卽察院舊署計廩八間康熙六
十年知縣石杰建一在樟樹鎮麻家巷計廩四間康熙
初知縣屈有信建邑人熊僕記

省倉在省會北德勝門外河泊巷舊計三十四廩康熙
二年知縣張暎重建歲久僅存廩十四間而清江額徵

省垣外
變之後
各漕倉
無存

漕米二萬六千餘石不敷收貯僦舟候兌差役押運者恒苦羈延乾隆九年知縣汪元麟議添置倉廩木果四十三年知縣鄧廷輯詳請動撥道庫七分解存銀一千六百餘兩別購倉旁民地長一十四丈五尺廣三丈八尺擴建東西兩廩四十二間又建庖廚宴舍八間由是兌運以時公私兩便

常平倉府縣二倉俱在東關內府額穀六千石乾隆三十年奉撥歸縣縣額穀一萬六千石連歸府穀共二萬二千石

社倉雍正八年知縣金廣培自捐養廉買穀一百石以爲倡率本年紳衿士民共捐穀二百零五石乾隆九年知縣邢文鐸勸捐穀一百二十石又前署縣楊宗政勸捐穀四百三十七石五斗乾隆二十二年知縣沈廷標勸捐穀二千二百三十五石六斗分歸八十四圖里甲長輪值收貯今建設社穀總倉十八處

本城總倉在東關常平倉側

一都總倉在黎墟東林寺旁

二都總倉在江邊墟金城寺旁

三都總倉在太平墟橫街

四都總倉在太平墟公館後

五都總倉在瑛璜墟二教祠旁

六都總倉在南關內張王廟後

七都總倉在翁神廟旁

八都總倉在臨江府後

九都總倉在薛家渡

十都總倉在蛟湖墟

十一都總倉在潭埠墟

十二都總倉在樟樹鎮市背街

十三都總倉在洋湖墟

十四都總倉在香溪墟

十五都總倉在銅鑼江隱仙寺旁

十六都總倉在店下墟勝華山旁

十七都總倉在永市

已上社倉十八處現共貯穀七千六百九十一石七斗六升五合三勺每年存六放四放四穀每石起息一斗以三升給司事者之費其七升仍存作本

按四倉之設因明舊制而變通之漕倉所貯官收官解卽明之便民倉也常平倉所貯官出糶本平價出糶卽明之豐積倉預備倉也社倉視義倉主領者有官民之別其惠民良法則今亦初無或異也明舊制并列如左

豐積倉在城東北廣濟門內每歲本府積穀備賑設有倉大使一員管支俸糧立署於本倉

預備倉舊有五所其後俱廢明嘉靖間知縣沈儀遷

兵燹之後此穀何在是否為賊所劫抑或為鄉間圍練口糧乎者查以

置舊千戶倉於寶壽寺左每歲本縣秋冬積穀五百石備賑奉文扣三折解除每月支給囚糧按季冊報外例無支放

便民倉在廣濟門外明知縣狄冲建收貯南兌二糧以便解糧船戶搬運下河崇正七年奉部院檄改爲臨江府精兵營遂廢

義倉未詳所在崇正十三年奉文建立義倉因值荒歉未克創建知縣秦鏞倡捐義穀寄貯預備倉內

社倉按宏治郡志宋慶元元年清江知縣常楮建久廢明隆慶二年知府馬文學創置社倉六所勸借民

粟貯之備賑一曰仁和在豐積倉內一曰義和在

寧寺內一曰豐樂在永市一曰利人在蛟湖一曰慶

豐在清江鎮一曰太平在瑗璜其後亦俱廢崇正十四年知縣秦鏞修復清江鎮慶豐倉勸鎮民輸助義穀備賑

已上各倉特憑秦志所載明制存之至建設之地今亦久更云

按明洪武間詔天下郡邑各置預備倉所以備荒歉兼戒不虞也行之既久斂煩役苛而法始弊

國朝初沿明舊制官倉貯穀徵發以時康熙間奉文設立社倉又設立常平倉愛民之政益備而糶糴收放之均平則資良有司擘畫矣

壇祠寺觀附

古者先成民而後致力於神民者神所憑依也一邑之中有民人焉有社稷焉黍稷非馨明德惟馨可以識事神之義矣至於紫氣東來金人西至梵宇琳宮引詩入畫雖無關禮祀之典亦少分養濟之功正不必闢而去之也撰壇祠列志

社稷壇在治城朝天門外明洪武初立壇於城西北北向歲以春秋二仲上戊祭按宋制社稷分壇清江另立縣社壇在寶壽寺北自明以來附於郡壇

風雲雷雨山川壇在城南門外明洪武初立南向歲以春秋二仲上巳奉郡城隍神合祭已上一壇明宏治已未郡守吳叙增築外垣高二丈許齋房牲所咸備屢經修葺

先農壇在城西關外歲以季春癸丁日祭

郡厲壇舊在城廣濟門外明隆慶二年知府馬文學遷於西成門外三祭歲以春清明日秋七月望冬十月朔迎城隍神主之

鄉社壇鄉厲壇各鄉崇祀不悉載

文廟各祠詳學校

文昌宮在府學左中祀帝君神主有樓上祀帝君

先代建置詳學校

關帝廟在郡治左卽舊提學署改建正殿祀帝神主

今別城
內又係
建昭志
祠一所
於南門
祀江誠
恪名暨
劉營死
與夫右
襄事遇
官紳士
也此次
修志上
宜添載

後殿祀 帝先代兩廊官廳前牌坊鄧志載廟祀有三
在天寧寺左者今廢在永泰市者係民間所修

昭忠祠在 關帝廟右廊嘉慶八年奉祀陣亡兵丁三
名鄒正魁清江人王中明新喻人樂平峽江人

朱文公祠在府學後宋寶祐中知軍魏庭玉通判黃洪
建舊有樓名近江祀宋朱文公以勉齋黃公會宰新淦
主一張公會及門列之配享後改爲驛舊刻公及張公
二像石碑移置郡學中宋人翁甫有記

褒忠祠在朝天門外祀宋死事知臨江軍陳元桂賜額
褒忠歲久廢明正德間提學李夢陽重修以宋清江令
趙孟濟配享嘉靖七年知府錢琦復修益以死事宋知

軍鮑廉並祭都御史泰和歐陽鐸按察司副使邑人
守愚俱有記知府鄭懋德手定祝文歲以春二月秋九
月望日致祭

國朝增祀元末義士劉天祐乾隆四十五年知縣鄧廷輯
詳請增祀明初死事同知趙天麟有詳定祀典議見藝
文志

鄧志曰褒忠祠並祀宋李陳鮑趙三公有碑記可
考後增祀劉公天祐郭公裕共五神主實未詳始
於何人但郭死事於棗陽與守土者異故改祀郭
公於鄉賢而以趙公天麟增祀庶免不歆非類之
疑云按鄧志改祀郭裕於鄉賢增祀趙天麟於褒

忠祠於義爲協但稱五忠合祀未詳始於何人查
五忠合祀始於康熙二十七年知府喻成龍祠中
有成龍題烈日嚴霜額並邑人黎騫有記今取騫
記載藝文中以備稽考

文相國祠卽仰德祠在府學右明撫虔都御史謝杰建
中爲明德堂祀信國公以明訓導謝廷袞從祀事詳祠
堂記有祭田以春秋仲月丁日祭祠今廢事詳學校

劉公祠有三一在朝天門外一在朝天門內明萬歷間
重修知縣龍起雷記又參議施閏章有禱雨劉公文俱
見藝文志一在杜塘墟俱祀元義士劉公天祐事詳人
物志

練公祠舊在城東北薊林書院左久廢明知縣梁士濟
改建府治東縣令王心純創明宗書院於南門移祀公
歲以二仲祭爲新練公祠今復建在府前大街

施侯祠在府前平理坊師姑巷內久圯

戴公祠在清江鎮祀明知府戴德孺久廢

馬公祠在城東祀明知府馬文升久廢

兼山公祠在城東祀明東閣大學士楊廷麟祠卽公故
宅也中更數主合邑紳士贖金取贖因立祠以祀公內
有忠厚正直之臣額乃莊烈帝玉音

勤慤公祠在縣東崇學鄉上湖祀宮保尚書楊錫紱

城隍廟明洪武二年建於府治南歲春秋合祭於風雲

雷雨山川壇及主郡厲壇祭郡人胡行簡有文記之知府戴德孺程應龍知縣梁士濟先後修葺乾隆五十四年知府張廷元重修嘉慶二十五年知府朱漾率屬創修前牌坊儀門仍舊制內左右官廳中拜庭正殿祀府城隍神左右祀經歷照磨神兩廊祀四邑城隍神及冥曹十司進爲後殿儀門外左祀痘神右爲章山祠俱新建

順濟龍王廟舊在朝天坊宋巡檢馬勉之建今在府前街

旗纛廟在城東北歲以霜降日祭明嘉靖十二年知府徐顥知縣朱元誥建久廢

文昌閣有四一在舊縣學左明天啟間燬縣令盧兆龍改建育賢門外教諭湯瑞至創立祀典今廢一在今縣學左詳學校一在十三都輞川一在十七都永泰市鶴地閣尤峻偉前殿祀關帝上文昌閣又上魁星閣左觀音殿右三官殿其西偏卽合市紳士所建永鎮塢塢高九級每級六門前臨大江可供登眺

江東廟在富壽岡元延祐初萬戶楊仲明領兵討蔡五九兵次蕭灘一夕忽聞兵甲聲驚問左右皆駭不能對彷彿聞空中語曰江東神也於是所向克捷還立廟祀之

雷廟在縣北白牛岡明嘉靖二十三年通判金本陶署

府事禱雨立應符錫等詩紀其事立碑祠中又大禾院
玉華峰亦有雷祠禱祀者尤衆

東嶽行宮有二一在縣西城外宋嘉定中建郡人徐得
之記明宣德間重修張徹記一在西門內

國朝乾隆間建又八都滁山及永泰市黃澗洲亦有東嶽
廟

張中丞廟一在郡城南門外祀唐張睢陽公石像廟門
外有石人跪立其名不傳俗呼爲石人廟一在南門內
廣壽寺前一在南門內都司署左乾隆間建一在東門
內府倉前一在東門外一在永市街新興寺左一在太
平市

仰山孚惠行宮在城南舊碑剝落不可讀仰山袁州山
也祠在宜春宋淳熙中郡守沈銑以旱遣官禱神立雨
因建行祠又北鄉距高橋里許及三都彭公塘俱有仰
山廟

嘉應侯廟世傳神姓張淮陰人封顯慶東平王廟在清
波門外久廢

蜀三聖廟在縣治北北塢院巷舊傳神卽清源眞君梓
潼帝君射洪縣神又縣南十里有廟祀清源眞君曰二
郎廟

聶公廟在清江鎮宋慶元中建公名友丹陽太守常逐
鹿至鎮射樟樹滅妖歿而神威有赫邑人立廟祀之嘉

慶三年鎮商重加修葺規制增擴郡縣有司到任必先祭廟而後入城舊例每權香火錢明知縣秦鏞裁革之又修德鄉郭坊亦有公廟

梁昭明太子廟在縣東舊志云武帝經此葬昭明晏公廟在清江鎮瀕江明洪武間建郡人聶鉉記一統志云晏公名戍仔本鎮人元初爲文錦局堂長因病歸登舟尸解人以爲神立廟祀之有靈江湖閔永樂中封平浪侯今俗訛爲鄔公廟

靈順廟在清江鎮宋淳祐間建祀水府神廟有黃栢如金故號寶金山

蕭公廟在清江鎮西南祀英佑侯蕭天任嘉慶二十三年鎮商重加修葺規制宏敞知府朱淥有記

藥王廟舊載有二在天寧寺左者今遷縣治南楊家山在清江鎮東門者今遷舊守府衙前

田相公祠在永泰市神諱眞漢京兆人生以孝聞仕至大中大夫祠瀕江宋紹興中岳忠武征虔道經永濱入祠展謁祠前有井清冽異常道光三年重修

三閭大夫廟在蛟湖墟濱江廟創於唐末祀楚大夫屈原明萬曆初重修邑人蕭允儒有記

謝真人廟在金鳳洲明洪武間重建

喻公廟在縣東三十里中勝洲祀水神

按鄧志喻公廟後有宋澤廟云廟在閤阜山石白

原或云神卽宋齊邱隆慶府志辨其誤又云舊志曰宏治郡志載宋齊邱淦陽閭阜山人好縱橫術以布衣謁徐知誥引爲推官遂擅吳爲南唐官至左僕射平章事太傅楚國公今閭阜山有讀書堂洗硯池山陽有宋氏族蓋其苗裔臨江先哲言行錄云郡志因閭山有宋澤廟遂謂齊邱爲閭山人誤也夫齊邱奸雄躁戾始則助成篡弒之謀終則陰懷今將之心果爲土著亦不足污簡編况實非郡人乎按齊邱爲人固無足言然使果爲郡人亦不必諱也故二說並附於此竊謂天地之大梟鸞並育往往一家之中父子兄弟賢愚各別兩無加損而欲一邑之大數千年之久不復生一敗類此必不可得者齊邱爲閭山人諸書所紀較然不揜乃宏治郡志載之隆慶郡志駁之施郡志秦志鄧志俱爲存疑之詞適以示不廣耳茲特削其廟祀而定爲閭山人誅姦回於旣死彼亦烏能玷清江哉

觀音閣有二一在十三都一在永泰市東街乾隆四十三年重建

大乘廟在十三都洋湖祀關帝文昌帝君

武帝廟在十三都祀宋武帝宋末邑人楊雯有詩

賢惠廟在四都長藍祀漢張平子

棠陰祠在四都雒湖

李公廟在修德鄉土湖祀唐衛公李靖嘉慶二十年里人黃仁詡等重修

仰德祠在一都二圖祀關帝及文昌帝君

周王廟在十二都杭溪

南山廟在十四都南山里

許真君廟有二一在縣治南楊家山一在永泰市望京門乾隆五十七年建

岳武穆王廟在永市望京門乾隆五十七年建

天花宮有二一在縣治南楊家山一在永泰市前街嘉慶十九年卽舊真君廟改建

趙公廟在五都惟佳山嘉慶十二年建

寺觀

天寧寺在試院左唐以前名興化咸通中觀察使韋宙改建更名鐵佛寺宋賜額天寧萬壽紹興中改報恩光孝元世祖至元間改大天寧寺後至元間重修臨川虞集記燬於兵明初知府劉貞知縣李惟敬僧克文重建臨川危素記正統十年勅賜袈裟及藏經宏治間重修新喻胡榮記

國初寺僧以袈裟質民間康熙六年叅議施閨章捐貲贖回仍藏寺中五十二年寺僧某將勅書袈裟及寺田私賣而逃寺旋傾圮雍正元年知府汪清招慧力寺僧雪

此山今
片瓦無
存盡為
燬

青住持重新殿宇因贖回袈裟勅書袈裟已朽而勅書尚存并買田十數畝嗣後僧悅堂徹也相繼葺理碑記題詠俱見藝文乾隆五十八年僧九峰募邑人楊殿梓等重修正殿增建山門及兩廊屋邑人錢時雍記

慧力寺在城南二里瑞筠山卽唐處士歐陽董宅建自唐盛於宋臨川王雱新喻章穎俱有記明洪武初重修時寺僧半閔應召至京賦金陵春曉詩稱旨賜袈裟歸嘉靖戊午寺燬萬曆間重修崇正末復燬

國朝順治間僧雲章募修康熙初藥地和尚駐錫寺中與分守道施閏章南昌李明睿諸人倡和適紫芝叢生因建亭焉十六年僧徧淡募修并撰瑞筠山志分守道郭

景昌知府陳克峻捐置贍田俱有記後寺圯田亦散失四十七年僧雪青募費重建知縣敖汾記乾隆癸酉寺復連歲生紫芝丁丑僧悅堂募修知縣方懋祿沈廷標題疏辛卯僧可立請於知府李昌昱倡修殿宇及甃築圍牆嘉慶癸酉邑人曾鴻翥於寺前洲地捐築圩墾墾田二十餘畝以贍寺僧按寺踞江山之勝自宋迄

國初有第一山萬松關半山亭松風亭江月亭觀空閣挹清門白蓮池讀書臺會心亭洗心泉雲根亭紫芝亭轉輪藏諸勝又有古松數百株夾道直接城南門號接引松今俱無存雍正間知府張景蒼建幽暢亭乾隆癸酉方懋祿建高青亭題詠俱見藝文及瑞筠山志

石溪龍居院在府學左卽唐盧肇讀書臺唐宰相裴休嘗爲書額元至正間燬明洪武甲子寺僧重建叅議施閏章題額曰石谿禪院寺旣圯遷額存於天寧寺

廣壽寺在城南崇德坊梁天監中建明嘉靖四十一年燬分守湖西道叅政陳大賓相其地吉改遷郡學移建寺於南薰門內係元妙觀空址給以帖據存於寺乾隆二十八年寺將圯楊宮保錫紋題緣募修道光二年都司邢文行率僧碧泉募緣重修

禪居院在城崇德坊久廢

報恩寺在城金地坊傳爲謝小娥立見雜志申明宏治十二年郡守吳叙改爲公館尋廢

禪林寺在城東關外有羅漢栢二株翠色參天結實如菩提風雨光怪人稱寶樹焉明萬厯中有官斯土者欲取其材卽闔室病眩乃止御史朱璉神其事乃復重修大學士新建張位爲之記鄧志云寺旣圯樹亦無存按寺雖頽敗規制尚存樹亦無恙直至道光三年冬寺僧無賴始行將樹砍伐鬻錢入己僧旋以他事被杖人以爲伐樹之報云

鐵佛寺在城東北二里白牛岡按秦志云唐咸通中章公宙維舟天寧寺下夜觀江中有異光募漁者泗水得鐵佛像五移置寺中因改創焉故郡人稱鐵佛寺是卽天寧寺也今白牛岡亦稱鐵佛或踵此而名之歟

迴龍寺在城東北五里江水東流至此稍折寺當其衝故名明季寺燬於兵殿後有娑羅樹二苔蘚凝幹碧陰晻藹不知何代植也邑人黃之後有詩參議施閩章嘗泛舟遊此亦有詩郡守陳克峻記

寶慶寺在城北關久廢

鎮橋寺在城北關外高橋側又名高橋寺明知府李槃有詩

不二寺在城北關外已廢

寶金寺在清江鎮瀨江舊有華光閣改爲玉皇閣極爲一鎮壯觀鎮人以回祿爲厄於寺中關帝廟後創建天一閣以鎮之取天一生水之義郡守沈愷邑人黃之

有詩

玉泉山在清江鎮一名靈峯寺寺舊有員嶠亭

五公寺在清江鎮元何中有詩

通慧寺在清江鎮

東山寺在清江鎮

南禪寺在清江鎮又名寶林山明陳獻章嘗寓此

新興寺在永泰市一名南山寺有宋建炎庚戌舊跡明洪武戊申改額新興太史張美和記

東林寺在一都

金城寺在一都距城六十里唐廣明初建周遭土郭傳卽吳平縣廢基前對峯嶺中有九十九阜頗爲幽勝

東禪寺在三都久廢

蓮花寺在三都晉天福闕建宋蘇軾有詩

萬靈寺在三都

荆山寺在四都一名四會寺明羅殿撰洪先題額尚存
下臨蠡湖其上有玉壺峯金盆庵庵前池水冬夏不涸
江水漲則池水亦增袁漲色清贛漲色渾袁贛並漲色
合清渾其理莫測

青龍寺在四都久廢

安陽寺在四都宋天聖元年建

雙源寺在五都久廢

二教寺在五都

龍溪寺在六都唐貞觀闕建

西方寺在六都已廢

查林寺在六都宋治平間建有山曰鍾秀形如卓筆寺
有古銅鐘聲極清遠

寧國寺在六都

穆堂寺在七都

五斛寺在七都舊圯乾隆間重修

福慧寺在七都

崇福寺在九都蛟湖墟瀕江

證真寺在九都去崇福三里許明洪武初召僧空碧試
鐘山曉望詩稱旨賜玉環袈裟歸邑人張美和題其像

僉事俞鐸碑記尚存乾隆四十五年里人彭亮文重修
合流寺在十都二圖唐天寶間建

中洲寺在十都

下東林寺在十一都已廢

澤仙寺在十一都

大集寺在十三都

茂山寺在十三都久廢今建大集寺人仍稱茂山寺云

龍居寺在十三都

新城寺在十三都

西竺院在十三都郡守汪清有記

大覺寺在十四都

香積寺在十四都中洲明解學士縉有詩

隱仙寺在十四都中洲五代時建初名菩提白玉蟾煉

丹於此因改名隱仙有詩見藝文

資福寺在十四都

大中寺在十五都

慈相寺在十五都

黃山寺在十五都

壽光寺在十六都已廢

尚樂寺在十六都

峽山寺在十七都

受福寺在永泰市黃澗洲枕流山之前嘉慶十四年衆

建

見山寺舊名蕭坊庵在十一都蕭寺梵音上湖八景之一也楊宮保錫紱有詩嘉慶十二年錫紱後人重修易今名

慧力塢庵在東關卽善家橋庵旁有善周禪師葢塢庵已廢

普門庵在東關已廢

鎮龍庵在城南關外已廢

一法庵在城北關

萬竹庵在朝天門外宋時有永慶寺爲大慧禪師建水陸道場久失其址明天啓間邑進士錢應華以別墅復

建永慶庵又題額曰古水陸禪院康熙初叅議施閏章改題萬竹庵

梵摩庵在清江鎮庵有白衣大士閣先是大參熊化謀建閣猶未就忽於江水浮菱中得大士像因奉歸庵中閣成有序記其事嘉慶二十一年通判陶德齡率僧募緣重修

長生庵在清江鎮蛇溪塢

鹿野庵在永泰市車埠橋一名通仙庵有觀摩堂新昌熊大史暉吉書額郡守張景蒼邑令葉重熙滄令汪波嘗課士會文於此

聖壽庵在永泰市南界聯滄境庵前有殿曰大保殿

永定庵在一都

護龍庵在六都

香湖庵在九都明天啟初知縣周宗文有記後圯康熙間重建

虎山庵在三都

橋庵在四都

華嚴庵在十六都

寶筏庵在十六都

香浴庵在十五都譽洲

中山庵在五都十二陵正德間建萬曆間重修

古蓮庵在十一都

大田庵在十二都原二十五都

大橋庵在十一都

迴龍庵在十六都

蓮池庵在十六都五圖

石城庵在十六都兩石峭削如門僅容方軌其中豁然
塏敞攢峯壁立如城明熊化有詩

九龍庵在十七都又四都二圖亦有九龍庵在孟塘

水月庵在十四都

水心庵在十一都下岐

圓明庵在五都武塘

大覺庵在三都黃土康熙間建

普濟庵在十七都大觀橋

旃檀庵在十七都丁仙峯下

福山庵在四都初名福山寺

靜覺庵在十四都雙塘

雲棲庵在十都薛家渡明萬厯間建 國初周大赤有

記

淨土庵在十都薛家渡

萬壽庵在九都經樓墟

吉祥庵在八都

福隆庵在三都河口

瑞雲庵在三都泉塘

崇福庵在三都二圖

挹秀庵在十都花灤洲明末沙埂周大赤始結數椽栖
隱顏曰一粟歿遂葬於庵側康熙中邑解元彭恪嘗讀
書其中更名挹秀

青山庵在建安鄉

奠龍庵在四都一圖

一佛庵在雒湖洲明萬厯間建

神山庵在沃塘

萃瑞庵在下嵐

迴龍庵在六都舉塘團

朝天宮在城北宋祥符間建元至大中賜今額明永樂

五年召道士張九淵周玉瀛赴京修齋時有青鸞繞篆
白鶴翔空上悅賜以璽書今存舫翁吳雲有詩嘉慶十
四年道紀余顯法購置店房三所香火田二十三工半
報縣存案道光二年重修添建房屋一所

寶壽道院在城東北縣學左卽舊寶壽寺唐貞觀間建
久圯僧遷去嘉慶十一年道紀陳永盛重修改歸道家
易今名

紫霞宮在今城隍廟左晉爲紫霞堂元改爲宮明正統
間重修久廢

崇真宮在閣阜山東峰之麓初名靈仙館唐改閣阜觀
江南李氏改曰元都宋曰景德政和中賜名崇真易觀
爲宮崇寧淳祐間加賜大萬壽崇真宮南部新書載唐
道士孫智諒於閣阜山掘得銅鐘下有玉像三置閣阜
觀宋時賜勅書及銅印傳錄雲板臺殿宮館千五百餘
間稱爲極盛後屢經兵火明初稍修葺旋燬今惟存八
景壇碑記及詩並見藝文嘉慶二十三年道士周步雲
募緣重修

元妙觀舊在府學右唐開成間建徐鉉有記初名天慶
元改元妙明嘉靖間分守道陳大賓以觀峙學右有礙
文廟改遷城東迎恩橋北尋燬

大元觀在清江鎮其址相傳舊係玉溪潛蛟爲患許旌
陽逐蛟至此拔茅封之溪遂淤立觀鎮之今其右仍多

沙磧垣牆屢圯以古皆溪也按今封溪巷口廛舍中有小池一泐澄澈不溢不涸相傳蛟所潛處亦一異也

新興觀在清江鎮濱江舊名吳興始於僞吳楊氏南唐改今名宋至和中王安石記

歸來觀在永泰市東南相傳有道士仙去已數十年一日歸與親友別旋即飛升市人立觀志之觀後街今名通仙街觀有玉皇閣文昌閣

崇真觀在東里棖湖有古樟一圍三丈許陰蔽十畝舊名樟陰觀張時有詩

赤城觀在城東北四十里宋宣和中賜額郡人廖敏記解縉有詩

長生觀在十六都茂才鄉宋宣和中賜額

玉虛觀在棲梧山舊名淨觀晉王長史宅也長史仙去遂爲觀南唐改名太平江文蔚記今名玉虛有許旌陽祠明崇正間重修久經傾圮嘉慶十三年道士鄒意定募化重建構屋近十楹緣以周垣頗復舊觀

儲仙觀在修德鄉舊名新興相傳爲許旌陽修煉處丹井古栢在焉

崇道觀在城東水洲上舊名白仙宋宣和中賜額

隆道觀在修德鄉相傳爲吳猛游息地宋元祐中通守會準記宣和中賜額一名吳堂觀久圯

古蹟 家墓附

杯坏誤作

人傑則地靈人與事如可傳卽一泉一石風雨數
椽久愈不磨後之視今亦猶今之視昔也他如宿
艸豐碑松楸蔭碧令過客生哀爲賢者護此一杯
非謂滕公石槨髣髴僅傳疑也故彙紀之撰古蹟
列志

舊新淦城在清江鎮新淦移治南市村城廢爲鎮卽今
樟樹鎮

都尉城在城東三十里明一統志云漢豫章都尉治於
此

吳城一在城西三十里其地有敵樓衝敵樓吳王廟或
曰卽新喻廢吳平縣一在西南三十五里近棲梧山考

寰宇記卽廢治平縣

吳平縣寰宇記本漢末漢平縣三國吳時改爲吳平隋
開皇九年廢新喻入吳平十一年廢吳平入宜春十八
年又析宜春置新喻今其地卽金城寺土城遺跡尚存
盧城在城東北五里修德鄉相傳爲盧府君建故名
瓦城在城東北四十里五代時鄉民築以自保

樊城在城西北三十里修德鄉相傳有樊將軍居之
富國城在城東南十五里南唐時於此積糧因名
牛頭城在城東三十里土城遺跡存

河臯寨在城西南五十里棲梧山前瀕江昔周瑜留鎮
巴邱屯兵其上

員僚寨在城西南六十里接新喻高安兩縣界相傳隋時曹王所立同員僚守之久廢

凌雲寨在閭阜山南

風義堡在縣治西唐末清江婦魯氏遇賊不受辱賊義而厚遺之後人因名其地詳列女傳

龜石在清波門外繡衣坊下舊識云烏龜石轉狀元生宋咸淳甲戌正月朔夜有聲如雷黎明觀之石裂中有白氣薰蒸膚理初軟久乃堅孔武仲有詩

龍石在文名門外水濱狀如龍蜿蜒長袤鱗甲悉具一夕雷震碎之有竅有紋宛如骨節郡人好事者多取爲玩物敖英有詩

虎跑泉在郡治東南唐魯季文廬父母墓每患汲江水稍遠忽一虎於廬側跑地得泉人以爲孝感所致因名馬蹄泉在丁仙峰上泉甚清淺不溢不竭病者飲之多愈

樹根泉在縣東茂才鄉距閭阜山十餘里有古樹僅存其根而中空圍若井闌泉從中達極清冽不溢土人呼樹兜井

滌泉在中洲小雅民家康熙戊辰郡守喻成龍飲此而甘刻石留題碑存

放生池在閭阜山唐乾元二年詔諸道置放生池顏魯公手書序銘詞畧云去殺流惠好生立辟率土之濱臨

江是宅寶勝如來疇庸允格真卿勒銘政告凡百
丹池在城西南紫霞宮晉章昉煉丹所

盤園范成大梅譜清江酒家有大梅如數間屋傍枝四
垂周遭可羅坐數十人任子嚴運使買得作清風閣臨
之因築大圃謂之盤園梅之奇古者惟此及成都梅籠
兩處爲冠云

西園在城西宋徐得之別業內有叢桂軒梁寅有記
薌林名勝志在清江縣東門外范石湖集薌林故侍郎
向伯恭所作本負郭平地舊亦人家阡陌古木修篁林
塘皆爲樾蔭所封森然以寒

按郡城內縣治之北百花洲爲薌林故地朱子薌
林詩可考信也而曹氏名勝志又以爲在東門外
姑兩存之

墨莊名勝志清江縣有墨莊池坊秦志劉式旣沒夫人
陳以式遺書數千卷訓諸子謂之墨莊其後子孫皆世
守其業新安朱文公爲之記云

貢院宋紹興辛未郡守鄧廣建於郡治東迄嘉泰癸亥
別駕趙師道復建於壽俊興賢二坊之間已廢

維崧堂在府治內宋天禧中王益爲軍判官其子安石
生於此後人因名其堂曰維崧

坐嘯堂在府治內宋時建司諫韓璜記

止堂在府治南宋侍郎彭龜年故居

富壽堂在府治內宋建因富壽岡以名

春暉堂何太虛詩小序清江黃伯原母弟七人孝愛友恭作春暉堂以奉母學士草廬吳先生序其事名士大夫詩詞交贊之

歐陽處士宅名勝志城南里許爲瑞筠山瀕江周回五里本唐處士歐陽董故宅叢生瑞竹色爛如銀

讀書臺有四一在石谿寺唐宜春盧肇讀書於此嘉慶十一年知縣方宗敬重建於試院內西北隅卽寺舊址也一在慧力寺唐季處士歐陽董讀書處道光四年知縣張湄捐廉倡復建屋四楹與幽暢亭鈎連掩映林木增勝一在治西十五里晉豫章吳猛以羽扇畫江而渡建臺讀書於上一在閤阜山南唐宋齊邱讀書處二臺俱久廢

按秦志紀宋澤廟謂齊邱果爲郡人亦不必諱鄧志仍之而於其讀書臺則又俱云誤今刪去不皆自相矛盾乎夫華歆龍頭贊成魏篡褚淵名士奉璽齊王卽半部論語定天下半部論語致太平之趙普其傾險豈出齊邱下則亦於齊邱乎何怪也語云立身一敗萬事瓦解茲特削宋澤廟見齊邱之不當祀存讀書臺見齊邱之枉有才庶不失其

真歟

附倡修歐陽董讀書臺小引

邑南里許曰瑞筠山慧力寺居其麓前太守張君
景蒼建亭於寺後便登眺焉歲久就圯余捐廉修
之復其舊矣今春課耕至亭詢之寺僧又得唐處
士歐陽董讀書舊趾於亭之西南隅溪谷幽絕竹
木蒼然勝境也乃苔封草鞠遺跡已墟向者弦誦
之區今則樵夫牧子謳吟上下耳懷古之士至輒
慨然雖然邑之讀書臺有四其在郡城者自唐盧
肇始其在治西十五里者自晉吳猛始其在閤阜
山者自南唐宋齊邱始惟肇臺收入試院堊飾有
加餘則聲銷景寂無復過而問者而歐陽氏之臺
猶能邀福於山川之秀俾文人學士尋踪憑弔時
時稱述不衰將毋歐陽氏之靈實隱相之與抑臺
之廢興成毀有幸不幸與記曰有其舉之莫敢
廢也古人之訓也亦守土者之職也余將修而復
之有如斯亭顧鳩工庀材費且於亭倍蓰非一手
足之烈所能支者凡我士民毋亦有聞風興起者
乎其各勦斯舉用觀厥成焉他日者都人士登臺
游憩或研經而考信或推史以求真豈惟慰復古
之思固稽古之一助也用弁數語佈告同人

覽勝亭名勝志臨江蕭灘石溪寺覽勝亭卽唐盧肇觀
競渡處寰宇記盧肇黃頗同舉於鄉公車偕發大守獨
餞頗而肇不與明年肇魁多士守延肇觀競渡肇席上

作詩云扁舟鼓浪去如飛鱗鬣崢嶸各關機向道是龍
剛不信果然奪得錦標歸

按唐人詩題乃及第後江寧觀競渡寄袁州刺史
成應元係七律惟後二句同且觀競渡事所傳各
異不足信也府志載此亭止云唐盧肇憩此覽山
川之勝後人作亭表之語較確

吸川亭在府治宋時判官廳面大江

霽月亭林志在府治宋時建

清江碧嶂亭在府治園中宋時建

觀瀾亭在舊府學內

魁星亭在府學內久廢嘉慶十七年重建於學前左卽

覽勝亭舊趾

鍾秀亭在城南門

駐節亭在城東門

春埜亭在城東門外

來瑞亭在城北

肅儀亭在府庫左已廢

皇華亭在城外瀕江

就亭在舊湖西分守署中記云署中有地隆起二丈餘
面閤阜俯清流前此蔽於菑翳宣城施公構亭其處名
曰就亭

紫芝亭在慧力寺叅議施閏章建

來鳳亭在文名門外金鳳洲叅議施閏章建

高青亭在慧力寺知縣方懋祿於紫芝廢址建亭採叅議施閏章詩秀幹攢高青之句題曰高青

幽暢亭在慧力寺郡守張景蒼建久廢道光三年知縣張湄重建旁植花木以增幽勝

化梭亭名勝志府城東北三十里有化梭亭晉陶士行故跡也土人謂侃微時漁雷澤中得一織梭歸懸之壁一日雷電起梭化爲龍去後人立亭於侃母墓側屢經修葺

員嶠亭在清江鎮靈峯寺元何中有詩

鳴水亭在閤阜山元何中有詩

一覽樓在縣治後宋時有清江臺上有樓名曰一覽爲郡城最高處其後樓圯今名金星堆

近江樓在府治東南瀕江宋寶祐間知軍魏庭玉通判黃洪建以朱子詩有征驂聊駐近江樓之句故名內祀朱子及黃幹張洽尋廢

愚樓高詠遺山集云臨郡南對閤阜山有清江碧嶂之勝橘柚之洲環城三十里官舍有樓曰愚樓叅議施閏章所建也有山陰徐緘及閏章自記

橫舟閣在府治倅廳又有槐風桂月二閣及冰壺閣皆宋時建

經史閣林志在舊府學內宋侍郎向子諲建以藏經史

前祀二劉三孔教授宋翔增祀向公爲六賢祠胡銓有記

御書閣周益公崇真宮記宮北有令威觀入門卽御書閣十一楹藏熙寧賜書百一十八幅章聖封泰山芝草二本皇祐新樂圖一卷紹興宸翰十幅

梅崖在郡學內題咏見藝文

卧雲庵名勝志清江縣東六十里閣阜山上有卧雲庵漢建安中葛元修煉其上一夕衣冠入室卧而委蛻弟子守之越三日夜半忽大風發屋拔木有聲如雷燈燭盡滅失遺蛻所在

芙蓉館在城北門內錢氏別業也其舒嘯亭張鍾毓有

詩

雲泉精舍劉克莊記休文游四方歸築精舍閣阜山而峯挹澗手植茯苓梅竹無數其言曰山椒之雲自去自來澗中之泉隨取隨有此予之所嗜不待有力可致故予得而擅之休文楊氏名至質豐城人

芙蓉屋施閩章集始予官山左秩滿歸數月又移官湖西時辛丑杪秋也郡爲臨江地踞山阜署中木芙蓉始華出檐側丈餘爛若霞舉予稱之曰芙蓉屋

宋高宗書薊林碑舊在東門外道旁永樂間郡守劉翼南移至郡庠有跋見藝文署知府懷誠作亭覆之嘉慶二十二年因建章山書院拆亭碑遂仆毀

朱子像碑在府學內與諸碑共覆一亭嘉慶二十二年
拆亭改建章山書院碑多毀碎此獨完好近肄業諸生
移置講堂東壁作欄護之

宋東坡書金剛經碑原在慧力寺後後置府二堂左止
存其半乾隆五十三年督學翁方綱補書勒石置碑側
瘞鶴碑在慧力寺叅議施閏章立

塚墓

施侯墓在府署譙樓門內古志云施三十郎徙所居爲
縣治歿而葬此施閏章有詩

馬夫人墓相傳在郡圃中年代莫詳或云在清江臺之
東南或云卽臺基是也

聶將軍墓府志云在郡城東北三十里封溪按雷次宗
豫章記封溪在新淦縣北今樟樹鎮卽新淦舊治其地
各封溪正以聶友得名蓋友爲豫章新淦人實今清江
鎮人墓在清江境無疑

許紹墓豫章古今記新淦南十里有聶友許紹墓按紹
漢末人嘗爲豫章守今聶許二墓止存其一未詳孰是
秦志載許紹嘗爲豫章守後漢書汝南許劭少峻
名節徵辟皆不就後奔豫章依劉繇而卒疑紹或
劭之譌文也然亦不言其爲豫章守又考豫章記
及寰宇記一以劭墓在南昌昌門一以爲在南昌
松陽門姑仍舊志載之存疑可也

毛玠墓秦志在城西風義堡進士陳京於圃中掘得斷碑有毛玠之墓四字然玠魏人似不得葬於吳地或別一毛玠也

陶母墓母湛氏新淦人晉大尉侃母也墓在故新淦縣卽今清江鎮新興觀前有亭名化梭歲久地沒於江今新淦復有陶母墓蓋後人爲之耳

蕭墓在縣西二十里秦志以爲梁武帝嘗至此有女死鑄金爲壻合葬人發掘則虎蛇暴集嘗有牛醫兒因暴雨止此見墓上爛然如金有蠶飛出兒因拾十數納於懷忽聞雷聲蠶遂失

陳擇之墓在建安鄉宋楊萬里誌銘

宋贈侍郎彭文先墓在建安鄉四會山之原元至元二年四會院僧敖本發塚斲棺盜其藏器子孫愬於官案其罪危素爲之記見危大樸集

宋侍郎彭龜年墓在城南二十里奉勅墓地名金井阬宋徽猷閣直學士贈少師向子諲墓在建安鄉宋吏部侍郎汪應辰撰墓誌銘

宋知興國軍向澹墓在建安鄉龍會原胡銓撰墓誌銘元處士杜本墓在郡城東南四十里南源彭公廟後土名杜家山俗訛杜爲墮其地界接新淦境義士劉天佑墓在修德鄉太平廟前數百步

隱士龔茂宗墓在蕭洲橋見傅若金誌銘

明翰林張九韶墓在城西三里院下阬碑刻勅文俱存
范氏墓范樟女孫明洪武間召入宮爲女師晚放歸卒
墓在梓塢馬嘴阬碑石尚存

明布政使敖英墓在城南門外奉勅葬勅文碑石現存
明大學士楊廷麟母陽氏墓在劉家埭距徐氏宗祠數
十步

明侍郎熊化墓在城東五十里塘下太極峯

貞士金士升墓在城東四十里方門山

宮保漕帥楊錫紱墓在城東六十里日中山奉

勅賜葬有

諭祭文刻石

